



Entrevista:

KWF ta conseha tur
ser femenino pa haci
nan mammogram

Pagina 5

Diasabra 26 di October 2019 www.bondia.com Email: noticia@bondia.com Tel: 582-7800 Fax: 582-7044 1,75 Florin

'Ainda no ta tumando suficiente medida'



Pagina 3

- **Minister
Lampe ta reuni
cu partner
Hulandes**

Pagina 32

- **Agricultor ta
sigui protesta**

Pagina 8

- **Abuso ta
pasa di un
generacion pa
otro**

Pagina 4

Siman crucial pa CAO hospital



Pagina 2



Pagina 7

Situacion dificil pa
refugiado na Trinidad &
Tobago

#BoTabataSa



cu tin alrededor di 250
persona pa aña cu ta
haya un atake cerebral?

f AZV - Aseguro Medico General www.azv.aw



Trump lo topa
cu contrincante
na Serie Mundial

Pagina 19

Otro siman ta crucial den negociacion di CAO den hospital

ORANJESTAD – Te ainda e negociacion pa logra un contracto colectivo (CAO) pa e trahadonan di Dr. Horacio Oduber Hospital (HOH) ta tumando luga keto bay. Pero entrante otro siman lo bira uno crucial pa finalmente bin cu un CAO na HOH.

E siman aki nan a bolbe sinta mesa diamars ultimo y e negociacion a avansa bastante, segun Mediador di Gobierno, Anselmo Pontilius. Tur cos ta indica cu ambos partido a yega na un parti unda di berdad nan mester por supera e puntonan cu ta ariba mesa. "Nan ta hopi cerca!," el a declara na Bon Dia Aruba.



Algun di e puntonan di discusion tin di haci cu asunto di pensioen y tambe adaptacion di structura di salario. Pero tambe e cambianan di orario di trabou. Hospital ta un di e dunadonan di trabou mas grandi na Aruba. Nan tin un cantidad di mas cu mil traha-

do. Pero di e mil trahado aki por ta entre 200 pa 300 trahado ta traha diferente tipo di warda.

P'esey e cambianan di orario of warda di trabou ta bira un punto hopi importante pa e trahadonan den e negocia-

cion aki. Particularmente pa esunnan cu ta traha warda laat anochi. Ta un aspecto den cual sindicato ABV a dedica hopi tempo na dje y te hasta tabata punto di discusion den e ultimo reunion di e siman aki. Esaki debi na e cambionan cu a wordo haci.

Ta asina cu e trahadonan cu tin mas cu 55 aña, no mester core warda laat anochi. Pero awor nan kier haci te 60 aña pa ahusta na e cantidad di orario, y e trahadonan kier sa kico ta nan derechonan cu nan a keda cune. Pero tambe kico ta e compensacion extra

cu e trahado ta haya pa traha warda laat anochi. Tur e puntonan aki a wordo debati pa medio di un combersacion profundo. Tur dos partido a duna di conoce cu nan interes ta, si nan por caba otro siman cu e negociacion aki. Ta asina cu den e reunion a dicidi cu diamars awor 29 di october tin indicacion cu mester por palabra un fecha concreto pa e CAO. Pontilius a agrega cu logicamente esaki mester conta cu aprobacion di gerencia di hospital y di e miembronan di e sindicato ABV, cu finalmente por yega na un contracto colectivo di 3 aña.

E dia cu Mediador di Gobierno a duna e entrevista na e matutino aki, ainda e sindicato di e trahadonan di hospital no a haya e texto final cu nan por bay den reunion general cu nan miembronan. Sinembargo esaki no ta kita cu tin un speransa cu esaki por ta e caso, ya cu tin varios luna largo caba di negociacion.

Presupuesto 2020 entrega pa fin di luna

Ambos partido mester benta 'awa den biña' pa asunto di indexering

ORANJESTAD - Ultimo dianan tabatin varios manifestacion, entre nan di SIMAR, cu hunto cu otro sindicatonan cu ta representa trahadonan di e sector publico ta hibando un lucha pa indexering. Parlamentario Edgard Vrolijk kende ta bin di e sector di enseñansa a laga sa cu como organo legislativo, nan no a sali di un manera negativo, mas bien positivo, riba e lucha aki.

Ayera gobierno tambe a habri espacio pa reuni y dialoga cu e sindicatonan, mirando cu awor tin mas cifranan, ya cu pa fin di luna mester entrega e presupuesto 2020 di pais Aruba. E ta den cuadro di tempo cu a wordo pidi na gobierno di Reino pa cera e ley aki, el a bisa.

E parlamentario ta kere cu nan ta para atras di un lucha di e clase trahado. "Unda bo ta bringa pa algo cu ta kere cu bo merece," el a bisa. En cuanto indexering mes, nan por discuti si ta mara na ley of no, pero logicamente e sindicatonan mester para pa e derecho di nan trahadonan y ta lucha pe, el a expresa.



Pero e no ta kere cu aworaki nos no ta den un era pa bay den un welga pisa manera esun di 2008, caminda basta menasa a cay ariba.

Vrolijk a desea di antemano cu den e reunion cu gobierno tabatin programa ayera cu e bloke sindical di e sec-

tor publico, nan por a sali for di nan diferencia na bienestar di pueblo. E ta bisa na bienestar di pueblo pasobra nos mester tene cuenta cu Aruba tin alrededor di 110 mil habitante, y e ta kere cu den e lucha aki, locual e sindicatonan ta pidi (cu ta un indexering di 3.6%), no

mester tin consecuencia pa e otronan tampoco.

Como gobierno -segun e Parlamentario en cuestion- semper nan a pidi tempo, manera nan a haci cu Hulanda. Pero tambe pa atende otro asuntonan, entre nan indexering, pa asina crea e

panorama financiero y economico di e pais aki. Seguramente den esey lo busca mas entrada.

E ta spera cu mas pronto posibel lo por cuminsa cu e proyecto hotelero na Sero Colorado (San Nicolas). Tambe e echo cu gobierno a firma un acuerdo di entendimiento (MoU) cu CITGO, ta duna otro alternativenan pa crea entrada.

"Tin cosnan den horizonte cu ta bay crea espacio pa asina Aruba merece miho," el a bisa.

E ta haya cu como doño di trabou pais Aruba (gobierno) mester carga su responsabilidad y por duna den un espacio financiero si tin pa haci esaki.

"Pero e no por ta asina cu den momento cu e ta bira desproporcional, bo ta laga interes general un banda," el a declara.

Vrolijk ta kere cu ambos parti mester benta 'awa den biña' pa por logra yega na algo cu ta duradero y cu ta beneficia gobierno, pueblo di Aruba y e trahadonan.

CAft:

‘Ainda no ta tumando suficiente medida pa mehoramento sostenibel di finanzas publico’

ORANJESTAD – Te ainda no tin suficiente bista riba un mehoramento sostenibel di finanzas publico di Aruba. A base di e di dos reportahe di ehecucion Colegio di supervision financiero di Aruba (CAft) ta spera cu lo alcanza e norma di deficit acorda pa año presupuestario 2019, pero ta trata di mas cu esey: den e protocol di cooperacion entre Aruba y Hulanda a stipula explicitamente cu tambe e gastonan y entradanan subyacente mester contribui na sostenibilidad di finanzas publico. Asina, por ehempel, e gastonan di personal mester keda denter di e norma acorda di 479 miyon florin.

Conseho pa duna instruccion

Dia 23 di september 2019, a base di e Ordenansa Nacional tocante Supervision Financiero Temporal di Aruba (LAft), como parti final di un trayecto extenso di scucha otro bilateralmente, CAft a manda Conseho di Ministro di Reino un conseho pa duna Aruba un instruccion.

A constata cu Pais Aruba no ta tumando suficiente medida pa logra mehoramento sostenibel di finanzas publico. Den esaki ta esencial pa aplica e norma di gasto di personal stipula den e protocol di cooperacion Aruba – Hulanda 2019 - 2021 di dia 22 di november 2018 y pa pone den practica e reforma fiscal. Dependencia di entrada incidental ta demasiado grandi, locual ta trece riesgo cune.



Gasto di personal

Referente na e bahamento di gasto di personal cu tin premira, e protocol entre Aruba y Hulanda ta stipula cu e gastonan di personal -incluyendo e contribucionnan di e dunadonan di trabou- lo por monta te maximal 479 miyon florin na 2019. En bista cu e gastonan di personal di e Fondo Presupuestario Provisional pa e Plan di Crisis Social (IBSCP) ta cay bou di e norma di gasto di personal aki, lo mester economisa adicionalmente na 2019 pa por cumpli cu e norma. Conseho di Ministro di Reino lo dicidi tocante e asunto aki.

Recientemente CAft a realisa, den consulta cu Gobierno, un analisis di e gastonan di overtime den e servi-

cionan publico unda overtime ta mas comun. A entrega Gobierno e resultadonan di e analisis aki. CAft ta spera cu e conclusionnan y recomendacionnan lo ta di ayudo pa determina con pa deal cu e gastonan di personal demasiado halto.

Reforma fiscal

Cuminsamento di e año aki a inicia un reforma fiscal den cual ta modifica y, na unda ta posibel, ta simplifica e sistema di recargo y impuesto. Te aworaki a pone den practica solamente un parti di e plan di reforma fiscal, door di cual ta existi e riesgo cu lo no realisa suficientemente e entradanan incremental di mas año previsto.

Presupuesto 2019 y 2020

Den su reaccion riba e di dos reportahe di ehecucion di 2019 CAft a indica cu e ta spera cu e saldo di financiacion di e sector colectivo na fin di año lo keda denter di e norma di deficit acorda di 0,5 porciento di e PIB. CAft ta pidi pa sigui presta atencion na desaroyo di e resultado financiero di Seguro Medico General (AZV) y Gobierno a compromete su mes pa haci un analisis.

No a entrega e proyecto di presupuesto di 2020, mientras cu Constitucion di Aruba ta stipula cu e mester ta entrega na Parlamento pa mas tarda dia 1e. di september. Na 2020 e saldo di financiacion mester mejora cu aproximadamente 50 miyon florin, compara cu e pronostico actual di e resultado pa 2019. Ademas, como consecuencia di e aumento di gasto (22 miyon florin) y di e crecimiento autonomo di e gastonan di personal (10 miyon florin), reahustacion adicional lo ta necesario pa alcanza e norma di surplus na 2020.

CAft a haci un bishita na Aruba dia 24 y 25 di october. A tene combersacion cu, entre otro, Gobernador, Ministro di Finanzas, Asunto Economico y Cultura, Conseho di Ministro y e Comision di Finanzas, Asunto Economico y Organizacion Gubernamental di Parlamento. Ademas, CAft a haci bishita na Autoridad di Turismo di Aruba (ATA), Organo Ehecutivo di Seguro Medico General (UOAZV) y Servicio di Impuesto.

Potret: Famoso Diaz

Kico mas a discuti cu CAft

ORANJESTAD – Durante e rueda di prensa di ayera, banda di e ponencianan di CAft mes, cu ta resumi den nan relato di prensa den e edicion aki, Bon Dia Aruba a haci prof. Gradus algun pregunta specifico.

Gasto total di personal

Entre otro pakico den e discusion cu gobierno tocante e gastonan di personal ta maneha solamente e total di e gastonan di e ministerionan, pero no ta inclui e otro compromisonan cu gobierno tin pa cu e sector subsidia, tambe entidadnan manera Raad van Advies, Staten y Algemene Rekenkamer y DOW, unda gobierno ta responsable pa paga tur gasto di personal involvi, cu durante ultimo añanan ta suma mas di Afl. 700 miyon (mas di 50% di presupuesto total) y ta subiendone aña tras aña, mientras ta papia di mantene e gastonan parcial na e conocido limite di Afl. 479 miyon, cu a acorda den e protocol di november 2018. Gradus a bisa cu a palabra e base aki cu gobierno di Aruba e tempo ey, y el abay asina den e protocol. Sin embargo na juni 2019, den un carta na gobierno di Aruba, CAft a menciona e deseo pa yega na un norma adicional pa e gastonan di personal di Staten, Raad van Advies, Rekenkamer y DOW. CAft e tempo ey a observa cu e acuerdo ey no a keda realisa ainda pero cu ta considera esaki di suma importancia. Gradus a bisa cu e suma di mas di

Afl. 700 miyon no ta zona conoci p’e. (Esey por ta pasobra na e entidadnan menciona mester aña di e gastonan di personal di e sector subsidia, cu tambe ta compromiso fiho riba presupuesto. E totalidad di tur esaki ta acumula na Afl. 735 miyon pa 2019; red.).

Plannan pa restructuracion

Riba pregunta di BDA si a papia cu gobierno tocante medida mas structura pa loke ta baha gasto di personal a traves di restructuracion di e departamentonan, poniendo hende unda falta y kita hende unda tin di mas, e contesta tabata cu e tema ey no a surgi den e discusion te awor. Di otro banda, e presidente di CAft a declara cu e rapport cu nan a produci tocante overtime den aparato gubernamental di Aruba, lo por yuda di berdad pa baha gasto. E rapport no ta disponible ainda pero lo aparece riba website di Cft (www.cft.cw) pronto, segun Gradus.

GDP y debe publico

Durante e rueda di prensa prof. Gradus a eleabro tambe riba e porcentahe di e correlacion entre debe y GDP. El a referi na e revision di e cifranan di GDP di Aruba cu a surgi a base di calculacion di CBS di e cuentanan nacional, den cual tabatin un atraso desde 2011. Esaki a trece cune cu e GDP ta substancialmente mas halto. Si ta asi-



na cu, prome cu finalmente acepta e revision di CBS, IMF lo haci un prueba pa comproba cu e revision ta corecto. Sin embargo, Gradus ta muestra corectamente riba e hecho cu e debe nominal, na florin, no a bira menos.

Nota di redaccion:

Segun cifra maneha pa Banco Central a base di e cifranan nobo e GDP a subi te na Afl. 5734 miyon pa fin di 2018. Consecuentemente esaki ta haci cu e porcentahe di debe/GDP ta baha. Banco Central tin e debe compara cu GDP calcula na 74,8% pa fin di 2018. E cifra mas halto pa e GDP ta haci cu di un banda e porcentahe di debe/GDP ta baha, loke ta mostra mas favorable. Di otro banda 1% di GDP no ta e Afl. 50 miyon mas cu tabata maneha te awor, pero lo mester bira Afl. 57,34 miyon. Den e protocol di november 2018 no ta menciona suma pa e deficit/surplus, sino porcentahe (0,5% of 1%).

Wit Gele Kruis:

‘Den famia abuso ta keda constante’



ORANJESTAD – Monique Giel Labad, Verpleegkunde Tiener Consulente di Wit Gele Kruis, a duna splicacion tocante e situacion di hoben cu ta crece den maltrato of abuso y cuanto caso registra di violacion tin. Segun Giel Labad, e cifra di Wit Gele Kruis na 2018 tabatin 72 mama hoben cu a haya yiu. Nan ta contento cu e cifra no ta mucho halto, sinembargo ta alarmante pa nan e situacion cu nan haya nan aden.

Entre e casonan aki tin situacion cu ta resultado di abuso sexual, y tin algun cu ta tene relacion irresponsabel. Segun e cifranan di 2018, den caso di embarazo hubenil, 60% cu ta sali na estado a wordo abusa ora nan tabata jong caba, esta ora nan tabata mucha, cu despues ora nan ta adolescente nan no sa tocante cuida nan mes y ta sali na estado.

El a menciona cu den caso di muchanan di edad 6 pa 10 aña, nan tabata conoce abuso y tene relacion forsa prome cu tin relacion normal. Caso cu pasa den abuso sexual ta muchanan cu ta sali na estado cu 13,14, 15 y a wordo abusa cu 6 pa 10 aña, pero ora nan drenta pubertad, nan ta topa cu mucha homber y cuminsa

tin relacion cu permiso.

Pa motibo cu ainda nan ta trauma di abuso, pasobra nan ta ripara di e abuso ora nan bira mas grandi, ‘nan ta mira cu no ta algo normal’, e hoben ta cay den depression y stress. Cu ta ocasiona cu e prome cu pasa su dilanti y dun’e atencion, e ta cay p’e anto e momento ey e acto sexual ta tuma luga.

Nan no ta purba di conoce e persona prome, pa nan wak ki ta su pasado. Wak si e tabatin pareha prome cune. “Awendia e ta bay cu manera bo conoce, tin un presion pa tene relacion sexual. Si bo no haci’e, e ora bo ta laf of gay, anto e pensamiento ey tin cu cambia.” Ademas frecuentemente relacion sexual ta tuma luga bou influencia di droga of alcohol, y asina hopi malesa ta ser transmiti sexualmente, pasobra no tur por ripara mesora sino cu ta aparece despues.

Locual ta mas preocupante no ta e parti cantidad, pero e situacion cu ta den dje. E ta aumenta pa e bida social cu tin. Den embarazo no, pero den e sistema di abuso. Ora haya un mucha cu situacion di maltrato, abuso, droga anto e ta crece cune, e ta wak esaki como normal, e ta kere bida

ta asina.

Giel Labad ta splica cu ora bo wak un mucha muhe of homber maltrata otro severo, e ta bon pa wak nan historia, pasobra mayoria tambe ta pasa den situacion asina. “Tur cos ta depende con nan lanta den nan cas.”

Tin caso unda cu tata ta manda e yiu pa bay horta y pidi placa pa asina e cumpra droga. Pa e yiu esaki ta bira normal, ora e bira grandi e ta haci mescos. “Esey ta algo

cu nos ta wak hopi. Esun cu lanta y no ta haya guia. E ora despues e lo bay mostra den su comportacion. E fundeshi ta importante, anto si ta nace y crece cune, esey ta resultado ora e ta un adolescente.”

For di e momento cu un mucha ta baby, ‘e por capta tur cos’. Pa es motibo nan ta bisa cu ta pone enfasis riba mayornan pa pone atencion, si tin un problema cu nan yiu, pa nan purba solucion e problema na tempo, sin cu mester tin maltrato of gritamento.

Pa motibo cu e gritamento tambe por tin efecto riba e mucha. Esaki ta mira bek ora nan papia cu e mucha, anto bay mas profundo den e problema pa asina wak y por refiri’e na un instancia prome cu yega pubertad anto e por bay robes.

A puntra Giel Labad si tin caso di incesto cu ta resulta den embarazo. E ta bisa cu si tin caso, pero den caso asina nan ta tuma otro decision pa locual ta trata e embarazo den famia.

Wit Gele Kruis ta bisa cu e cifra preocupante cu nan tin, e aña escolar aki e vision ta pa ataca e enemigo. “Di mi parti lo sigui duna charla, unda ta pone e caso dilanti y laga e mucha mes solucion e problema. Tambe por trece dilanti un mama hoben pa nan por conta nan storia y e muchanan por haci pregunta con e bida ta, con e ta mama hoben y cu e no ta facil.”

Un mensahe pa mayornan cu no kier pa nan yiu wordo

abusa of ta sexualmente activo di trempa cu por cay na estado? E ta bisa pa mayornan acerca e mucha ora nan drenta den nan pubertad, prome cu menstruacion, pa papia hunto cu e mucha.

E ta bisa cu nan mayor por duna splicacion di parti di ciclo di menstruacion. E ta compronde cu tin mayornan por tin dificultad cu esey, pero tambe por splica e consecuencia di tene relacion y duna ehempel di e practica.

Mayornan mucho biaha ta acerca na instancia pa busca consejo. “Tin varios instancia y nos ta trahando bon y wak cada instancia y kico nan tin den practica. Mucha ta keda mucha, y den nan crecemento ta bay rebeldia. Semper lo tin e peer pressure na scol ora nan bay un scol secundario, esey ta hunga rol grandi.”

Tambe e ta bisa cu ora mayornan wak cu nan yiu tin amistad nobo, pa nan wak ken nan ta of ki intencion nan tin. Pa nan papia cu nan yiu y tin un bon relacion. Tin e confiansa pa nan por conta tur cos, si no por, tambe tin instancia por yuda cune, segun Giel Labad.

Giel Labad ta bisa cu tin algun peticion pa duna charla. E ta conseha pa scol por acerca na anochi informativo pa conta un tiki di situacion y ricibi tip con pa trata cierto situacion. “Tur instancia ta haya rapport pa mira con e situacion ta. Nan ta señala y trece e conclusion y di eynan con ta sigui cua ta esun mas agresivo pa trece solucion.”



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Leo Maduro (hefe de redaccion)
Nicola Gonzalez (redactor ehecutivo)
Pilar Flores (redactor ehecutivo)

Redaccion

Benjamin Romero
Kenna Hernandez
Andreina Morillo

Departamento Digital

Juan Luis Pinto

Ehecutivo di Benta

Sulaika Croes
email: sulaika.croes@cspnv.com
Linda Reijnders

Aviso y Arte

Sandra Loefstop
Lisa Tromp
Shannon Geerman

Administracion

Mariette Engelhart
Martha Arteta de Ariza
email: accounting@bondia.com

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Luis Villegas
Associated Press
Ret Karibense
Upload Media Aruba
Verbum Works

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

KWF ta conseha tur ser femenino pa haci nan mammogram

ORANJESTAD – Aunke dia 19 october ultimo a wordo proclama como Dia Internacional di Cancer di Pecho pa Organizacion Mundial di Salud (WHO), na Aruba henter luna di october ta wordo dedica pa enfoca tocante e malesa aki.

E fecha aki ta busca crea sensibilidad y conscientisacion den henter mundo riba importancia pa haci regularmente un mammogram of test di pecho, cu e meta di detecta cualkier señal of problema.

Segun dato di WHO, cancer di pecho of cancer di mama ta representa 16% di tur e tipo di cancer den pashentnan femenino. For di ultimo añanan, e tipo di cancer aki a bin aumenta. Ta calcula cu 1 di cada 8 hende muhe lo bira victima di cancer di pecho pa henter su bida. Esaki ta un motibo cu ser femenino mester haci nan test di pecho regularmente.

Conscientisacion

Presidente di Koningin Wilhelmina Fonds Aruba (KWF), Lilly Prince durante un entrevista cu Bon Dia Aruba, a declara cu Aruba no ta un excepcion. Como KWF ta un momento pa trece dilanti no solamente nan preocupacion, pero tambe kico ta reina cerca e cifra di pashentnan diagnosticada cu cancer di pecho riba nos isla.

Anualmente nan ta mirando cu e victimanan di cancer di pecho ta birando mas y mas. Y tin biaha ta dificil pa trece un cifra concreto, pa via cu den transcurso di aña, no tur ta yegando den e mesun momento na porta di KWF.

P'esey KWF ta conseha tur ser femenino pa haci nan mammogram. Nan ta contento cu den e lucha aki contra cancer di mama, KWF ta trahando cu fundacion BOB, cu structuralmente ta cita e damanan pa haci nan test di pecho.

Sra. Prince a bisa cu nan ta urgi e hende muhe di nos comunidad cu si nan ta haya e invitacion di BOB pa haci e mammogram, pa no negligish'e. Pasobra e ta pa bo mesun bon. Ya cu tin caso cu dokter mes ta spanta ora cu un señora ta sconde ora cu ta sinti algo straño, y ora cu nan

ta yega, no tin nada mas pa haci, locual ta bira un situacion hopi doloroso.

Igualmente, KWF ta contento di e labor cu Mary Joan Foundation ta haci, pasobra nan tin e parti di conscientisacion. E tarea di conscientisacion tambe ta den KWF, pero tambe tur e otro ayudonan pa e pashentnan victima di cancer na Aruba. Por ehemplo, pa dia 16 di november KWF ta organisando un charla di cancer di pecho y cancer di prostata na Alhambra conference room.

Ayudo

El a aclaria cu e tipo di cancer aki no ta unicamente cerca hende muhe, ya cu promecos ta pensa riba cancer di pecho ta hende muhe, sino cerca hende homber tambe. Sinembargo, e ta haya cu hende homber ta mas reserva y cauteloso. Te hasta nan ta abstene tin biaha di bati nan porta pa ayudo. Sinembargo tin caso cu a presenta y cu KWF a atende cu nan.

KWF tin 69 aña di existencia y for di 1982 e fundacion aki ta brindando na e comunidad Arubano, specialmente na e sernan femenino, e ayudo pa haya nan protesis y nan braziernan. E protesis nan ta hay'e cada dos aña gratis y e braziernan nan por cumpra na prijs di costo.

E ta un gasto grandi den e fondo di KWF. Aunke nan tin otro tipo di gasto mas halto, pero esunnan di cancer di mama tur aña ta crece. E ta dificil pa determina si e cancer aki ta debi na factor hereditario den famia, of ki otro causanan ta conduci na e malesa aki. "E ta algo cu mundialmente ainda nan no por descubri kico ta e causa di cancer di pecho," Prince a bisa.

Tin otro sorto di ayudo cu KWF ta bin dunando pa e pashentnan di cancer. Ya sea cu e pashent ta bay radioterapia of kimoterapia, of otro sorto di test of cita cu dokter, caminda KWF ta duna e ayudo di busca e pashent na cas via di Lite Life, sin paga nada.

Den caso cu e pashent ta wordo manda afo pa radioterapia, KWF ta traha estrechamente cu AZV. E fundacion ta percura pa e ticket aereo di e acompañante ahusta na



cierto condicion di estadia. Tambe nan ta percura pa un peluca, si mester di dje.

Un parti cu nan ta yuda tin di haci cu e parti emocional di e pashent, caminda nan ta busca un psicologo pa papia cune. Y ora cu ta yega e punto mas drastico, ora cu ciencia medico no tin mas alternativa pa e pashent, e cuido na cas y otro tipo di ayudo, KWF percura pa nan completamente gratis tambe.

Actividad y fondo

"Nada ta wordo paga. Loke nos ta gradici Dios tur dia ta, cu na momento cu nos ta sali ariba caya, e comunidad ta responde dunando e donacion," presidente di KWF a bisa.

Danki na e generosidad di nos comunidad, nan por dispone di e fondo cu ta bay den e comunidad bek. Na luna di april y mei, KWF tin su campaña di colecta. Na 2017 nan a yega colecta 52 mil florin y aña pasa el a bay pa 75 mil y e aña aki nan a recauda 55 mil. E fondo aki practicamente a bay caba, ya sea den gasto di cuido na cas of den transportacion. Sin conta cu reci-

entamente nan a haci pedido di protesis pa nan clientenan por haya nan y esaki ta nifica gasto tambe.

P'esey nan mester ta hopi cauteloso cu e maneho di nan fondo. E fundacion ta percura pa realisa su actividadnan pa asina genera entrada pa atende cu su gastonan. Dia 17 di november awor, nan ta organisando e Run Ride Swim & Walk of Roses. E ta haci enfasis riba 'swim' pasobra e aña aki e actividad aki pa recauda ta inclui landamento cu sosten di Rory Bislip y su team.

Prince a cera e entrevista aki gradiciendo Dios na prome luga. "Semper mi ta recomenda e fundacion di cancer den mannan di Señor, pasobra si nos no tin Dios dilanti, e cosnan ta sali mas pisa", el a bisa.

Tambe den nomber di KWF, el a gradici tur dokter y enfermeronan cu ta traha cu e pashentnan di cancer.

Tambe na comunidad di Aruba y empresanan cu semper a tene KWF na prome luga, y ta duna e fundacion tur e sosten cu nan tin mester.

Argentinonan ta drenta periodo di reflexion pa eleccion presidencial

BUENOS AIRES
(France24/ElComercio) – Ayera e Argentinonan a drenta den periodo di reflexion pa eleccionnan di mañan 27 di, pa defini ken lo ocupa e Casa Rosada desde dia 10 di december proximo y pa un mandato di cuatro aña.

E candidatonan pa e Casa Rosada a tene un oportunidad ultimo pa convence e votadonan. E mandatario saliente, Mauricio Macri, a nenga e sondeo cu ta pronostica su derota frente e peronista Alberto Fernandez.

Ta seis homber ta e candida-



tonan den e competencia aki, cu ta desaroya den pleno crisis economico. Cada ken na su luga pa e ciere di e campaña aki.

Un total di 33,8 miyon votado ta habilita pa vota den eleccionnan aki, den cual lo participa e seis formula presidencial cu a keda habilita pa competi-



danki na e resultadonan haya den eleccionnan primario dia 11 di augustus pasa. Na nivel nacional, e ciudadanonan lo vota, ademas di eligi

presidente y vice-presidente, pa parcialmente renoba e composicion di Congreso, unda nan ta pone den wega 130 puesto den Camara di Diputado y 24 den e Senado. Di manera simultaneo cu esun nacional, lo celebra eleccionnan di gobernador na provincia di Buenos Aires, Catamarca y La Rioja, tambe pa Alcalde di e capital di e pais.

E voto ta obligatorio na Argentina, unda e ultimo eleccionnan presidencial na 2015, e nivel di participacion tabata di 81% y den esun primario di augustus pasa di 75%.

Chile: Mision di ONU ta yega pa investiga violacion di Derechonan Humano



SANTIAGO DE CHILE
(Infobae) – Un mision di ONU cu lo investiga posibel violacionnan di derechonan humano durante e protestanan reciente y lo ta forma pa tres experto, lo yega na Santiago di-aluna awor pa traha riba e tereno te dia 22 di november, Nacionnan Uni a detaya ayera.

E grupo di experto “lo purba di reuni cu funcionarionan di Gobierno, representantenan di sociedad civil, victimanan, institucionnan nacional di derechonan humano y otro personanan implica pa recoge

informacion valioso”, e vocero di Oficina di ONU pa Derechonan Humano Ravina Shamdasani a informa. Un fuente oficial a señala cu e Comisionado Halto di e oficina, Michelle Bachelet, a tuma e decision di manda e mision aki pa via cu un grupo di parlamentarionan Chileno a solicita esey, aunke a sigura cu Gobierno di Chile tambe a emiti un invitacion formal. E mision, di cual no a revela su componentenan, lo bishita varios ciudad Chileno den cual a registra incidentenan violento y lo traha hunto cu e sede regional di Oficina di ONU pa Derechonan Hu-

mano, ubica na Santiago. E expertonan lo investiga informe cu ONU a ricibi tocante presunto violacion di normanan internacional riba e uzo di forza na man di e cuerpo di seguridad, pero tambe denuncia di crimen cometi pa otro actornan den e protestanan. Esaki ta e di dos mision di e tipo aki cu e oficina di ex-Presidente Michell Bachelet ta manda den relacion cu e jornada di protesta, cu den ultimo lunanan a sosode pa diferente causanan na Latino America, ya cu actualmente un grupo parecido di tres experto ta na Ecuador.

Bolivia: Morales ta e vencedor virtual pa di cuatro biaha entre protesta pa fraude



SANTA CRUZ (EFE) – E conteo di 99% di e votonan a duna como resultado e victoria electoral di Evo Morales pa di cuatro biaha consecutivo na Bolivia, ainda ta keda pendiente e formal proclamacion pa un organo electoral cu e oposicion ta acusa di fraude.

Tribunal Supremo Electoral a publica den oranan di anochi di diahuebs pasa e conteo sin e 0,01% cu ta coresponde pa cuatro acta di votacion anula na region Amazonico di Beni, cu te ainda no a duna detaye di esaki.

Morales a obtene e di cuatro victoria pa e cifra minimo, cu un diferencia di 0,56%, mientras cu a 2005 a gana cu un diferencia amplio di 53,72%, na 2009 cu 64,22% y 2014 cu 63,36%.

E lider di Movimiento al Socialismo (MAS) e biaha aki a logra 47,07%, pero suficiente pa impone riba su opositor Carlos Mesa, kende a keda cu 36,51%, na espera di e proc-

lamacion definitivo di resultadonan pa e organo electoral. E ley electoral ta exige 50% di e votonan mas uno, of e 40% cu dies punto di bentaha riba e segundo candidato. E mandatario Boliviano a yega na 10,56% di diferencia, pa loke ta evita un segunda buelta cu Mesa.

Enfrentamento entre defensoran y opositoran di Morales ta sigui cu Polis, na region como Santa Cruz y Cochabamba, y e tension dilanti di e organo electoral na La Paz, vigila pa Polis.

Mesa a adverti cu no lo reconoce e resultado aki, pa motibo cu ta existi “un fraude gigantesco” na favor di e mandatario pa evita un segunda buelta.

E opositor a ricibi respaldo di Organizacion di Estadonan Mericano (OEA), Union Europeo (UE) y e gobiernonan di Argentina, Brasil, Colombia y Merca, pa haya un cita nobo den e corecto margen di e conteo aki, pa e dudanan di e proceso electoral.

Venezuela: Situacion dificil pa refugiado na Trinidad & Tobago

PORT AU SPAIN (LaPattilla/VOA) – Na Trinidad & Tobago migrante Venezolano ta pasa den e mesun problemanan cu na otro pais di e continente aki, cu entre nan ta duna di algun manera albergue na mas di 4,5 miyon Venezolano. E exodo grandi di Venezolano ta un problema pa tur pais, pero na e paisnan mas chikito e sistemanan di atencion social y di husticia a haya un extra peso dificil pa carga.

Pa hopi di e paisnan aki, entre nan Trinidad & Tobago, e peso ta practicamente imposible pa carga sin intervencion di ayudo internacional. Segun un informe di e or-



ganizacion "Refugees International", como 440 Venezolano ta deteni actualmente na Trinidad & Tobago, unda ap-

enas tin informacion di nan caso. Mayoria ta cera pa un periodo largo y apenas ta haya asistencia legal y medico.

Voice of America a entrevistista varios migrante Venezolano, entre nan un muhe yama Mary Carmen Arraiz. E ta conta cu desde april 2019 a aresta cinco persona di su famia cu ta cera ainda den e prison di maximo seguridad di Port of Spain, despues di un pleito familiar.

Segun e abogado Nicholas Rampersadsingh, asesor legal di e famia, tur e delitonan, resistencia di aresto, comportamiento desordena y obstruccion di husticia, ta delito menor. Sin embargo, hopi biaha e Venezolanonan cu nan aresta ta keda den prison pa duracion di e huicio. Tin caso cu por dura varios aña. "Den cierto caso ta permiti e persona sali di prison riba fianza,

pero e suma ta asina halto cu nan no por paga," segun e abogado.

Famia Arraiz y e abogadonan consulta ta kere cu e Venezolanonan na Trinidad & Tobago no ta enfrenta solamente e falta di recurso, sino tambe xenofobia.

"Mi tin e sensacion cu ta existi xenofobia den nos aplicacion di ley y ora bo bay corte," Nafeesa Mohammed, abogado familiar, ta bisa. Tin biaha polis no ta aparece na corte o e documentacion no ta cla pa cuminsa e caso, loke ta haci estadia den prison mas largo ainda. Ademas cu nan ta core e riesgo di keda deporta pareu nan caso keda descarta, violando convenio internacional di derecho humano.

Venezuela: Maduro no tabatin intencion di paga debe di Pdvsa y salba Citgo



CARACAS (ElNacional) – Jose Guerra, diputado na Asamblea Nacional pa Caracas, a sigura cu regimen di Nicolas Maduro no lo a paga e debe cu tin Citgo como garantia. E debe ta riba e bono 2020 di Pdvsa, emiti cu e accionnan di Citgo como garantia.

"Nos a logra un victoria. Danki na presidente interino Juan Guaido nos ta salvando Citgo," e parlamentario a bisa riba Twitter. Venezuela no ta pagando e debe desde 2017. Departamento di Tesoro Mericano a emiti un licencia cu ta prohibi pa 90 dia e tenedornan di bono Pdvsa 2020 pa ehecuta e garantia cu ta otorga nan e mayoria di accion (50,1%) di Citgo. Esaki ta un victoria diplomatico temporal pa Guaido.

Luis Vicente Leon, presidente di e firma Datanalisis,

a afirma ayera cu e congelacion di transaccion di bono Pdvsa 2020 ta un tregua pa presiona un renegociacion cu e acreedornan.

Segun Leon e reto pa e representantenan di Citgo ta pa dicidi si ta sigui riba e ruta di demostra cu e debe tabata ilegal, o cu nan ta trata na yega na un negociacion cu e acreedornan. "Legal o ilegal, a ricibi e recursonan y lo existi e pago. E diferencia ta e terminonan den cual tin pensa haci e operacion aki," e economista a declara.

Leon a indica cu e legalidad di e bono Pdvsa 2020 lo ta un debate legal na Merca, loke segun su opinion, ta duna un congelacion momentaneo, pero cu no ta duna un solucion definitivo. E problema pa Citgo, den man di Guaido, ta cu Pdvsa, cu tin e debe, ta ainda den man di Nicolas Maduro, y cu lo no paga e debe pendiente.

Grandioso Bingo!



WOMEN'S CLUB of ARUBA

Bin hunga bingo pa un bon causa!

CASH PRIZES TE CU 3000,- FLORIN!

TAMBE TIN DOORPRIZES Y RAFFLES

Bin hunga!

Diasabra 26 October, 2019

na Club Caiquetio, Paradera

Cuminsando 7 p.m. (registracion ta 5 p.m.)

Carchi ta obtenibel na Optica Oduber & Kan y tur miembro di Women's Club of Aruba. Prijs pa carchi 10 florin.

Nos tambe ta ricibi donacion na CMB Bank: 061399409

Cunukeronan ta sigui protesta reglanan di nitrogeno



HULANDA (dutch-news.nl) – Cunukero y criadonan di bestia for di Noord-Holland y Friesland riba tractor a causa retrasonan largo riba Afsluitdijk, e dijk cu ta conecta e dos provincia a traves di lago IJsselmeer, cu un protesta di ‘bay poco poco’ ayera atardi.

E procesion di tractor riba e dijk ta ola di protesta mas recien, di cunukeronan kende ta bisa ta cargando e peso di esfuersonan di gobierno pa controla contaminacion basa riba nitrogeno.

E cunukeronan basa na Noord Holland a haci un aceptacion simbolico di e bandera di Friesland, pa muestra nan deseo di ta parti di e provincia nort. Varios provincia incluyendo Friesland a bay di acuerdo pa suspende medidanan special despues cu cunukeronan a bloquia oficina di municipalidad e luna aki.

“Cunukeronan na Noord Holland kier pa suspende e medidanan di nitrogeno akinan tambe, manera den Friesland”, e organizado, Rob Smit a bisa NOS. “Noord Holland ta mancha pa ciudadanonan urbano kende no ta conecta cu e cunukeronan y no ta tende di nan tampoco.”

E cunukeronan di Noord Holland ta spera di por colecta 5mil firma pa un peticion den varios parti di e pais tambe, incluyendo Den Bosch, unda e bandera di Friesland tambe tabata den evidencia.

Emmanuel ta sali liber

PHILIPSBURG (TheDailyHerald) – Oficina di fiscal a termina e detencion pre-huicio di Parlamentario di National Alliance y ex-Minister di Vivienda Publico, Medio Ambiente, Desaroyo Teritorial y Infraestructura VROMI, **Christophe Emmanuel, como tambe di hefe di su gabinete, e muhe M.A.R.**

Oficina di fiscal a bisa cu e detencion pre-huicio no ta necesario mas pa e investigacion. “Awe a completa exitosamente e interrogacion di dos testigo y un sospechoso prome cu 12:30pm. Esaki tabata e motibo mas importante pa e detencion di e sospecho-

sonan. Subsecuentemente a laga e sospechosonan den libertad. E investigacion ta continua”, oficina di fiscal a bisa den un declaracion.

A aresta Emmanuel y R. diamars bou sospecho di abuso di nan posicion y fraude of complicidad den e actonan como parti di un investigacion yama ‘Begonia’. Tambe a listra cas di ambos sospechoso diamars mainta.

“E sospechosonan ta acusa di entrega tereno di gobierno ilegalmente na personanan conoci na final di nan mando na 2017. Como resultado, otro aplicante a cay den desbentaha”, e oficina di Fiscal a bisa diamars.

Cft:

‘Implementacion di reformanan structural di crucial importancia pa Corsou’

WILLEMSTAD – “Corsou mester implementa e reformanan cu lo fortalece e pais di forma duradero na un manera rapido y energico”, asina Colegio di supervision financiero di Corsou y Sint Maarten (Cft) ta plantia. E instruccion cu Consejo di Ministro di Reino a duna Corsou na juli, combina cu aplicacion di e Strategia di Crecemento, ta ofrece oportunidad pa cambia e situacion di forma duradero.

Segun un comunicado di prensa, dia 12 di juli 2019 Consejo di Ministro di Reino a duna Gobierno di Corsou un instruccion pa balansa gasto y entrada den e presupuesto durante mas aña. E instruccion ta stipula, entre otro, cu lo mester compensa

un deficit spera den 2019 den e aña ey mes y cu lo mester compensa e deficitnan combina di 2017 y 2018 di 175,3 miyon florin cu surplus na 2020, 2021 y 2022. For di e surplusnan aki lo mester resolve, ademas, e atrasonan di pago di e debenan cu Fondo di Pensioen General di Corsou (APC) y Banco di Seguro Social (SVB), di cual e plaso di pago a caduca.

Strategia di Crecemento
Desempleo na Corsou ta halto en comparacion cu otro isla den Caribe. Bou di hubentud e ta te hasta 33 por ciento. Den e Strategia di Crecemento Gobierno a indica con lo por reforma economia. Aki ta trata principalmente di reforma structural, manera reforma di mercado laboral, fortalecimiento di e capacidad administrativo y

creacion di un clima empresarial mas estimulante, door di cual por incorpora efectivamente capital humano y financiero no utilisa.

Corsou y Hulanda a firma un Acuerdo di Crecemento tocante e stapnan concreto cu Gobierno lo mester tuma den e proximo periodo y e apoyo cu Hulanda lo ofrece tocante esaki. E Acuerdo di Crecemento ta ofrece espacio pa incorpora recurso adicional y asistencia di personal. E Acuerdo di Crecemento ta permiti tambe un prolongacion di e periodo di compensacion, si na juli 2021 sali na cla cu a cumpli cu e palabracionnan suficientemente. Ta di gran importancia pa haci uzo optimal di e Acuerdo di Crecemento.

Ehecucion di presupuesto

di 2019

A ahusta e pronosticonan pa aña presupuestario 2019 y e presupuesto, incluyendo e prome modificacion di presupuesto, ta muestra un servicio ordinario balansa. Tin un aumento di e entradanan fiscal, debi parcialmente na un golpi di suerte incidental di 42,1 miyon florin procedente di e Areglo Fiscal di Reino (BRK). Tambe pa 2019 ainda tin un tarea pisa pa controla e gastonan y realisa e entradanan efectivamente, incluso despues di e candela na Landsontvanger.

Curaçao Medical Center

Apertura di e hospital nobo Curaçao Medical Center (CMC) ta programa pa dia 15 di november 2019. Na augustus Gobierno a entrega un peticion pa un prestamo adicional di 200 miyon florin. Anticipando e estudio di factibilidad actualisa cu e di dos opinion corespondiente, cu te ainda e no a ricibi, Cft a manda un reaccion provisional dia 27 di september 2019, den cual a inclui e posibilidad di haya un prestamo di 103,7 miyon florin a traves di e registro actual, con tal cu cumpli cu algun condicion. Ademas di e estudio di factibilidad ta trata tambe di, entre otro, e cobertura di e gastonan adicional di operacion di CMC en comparacion cu SEHOS. Despues di ricibi e documentonan pidi – awor priminti pa aki cinco siman – lo sigui un reaccion definitivo di parti di Cft riba e peti-

cion di prestamo.

Maneho financiero

Mayoria di e sub-proyectonan di e Mapa di trayecto pa un declaracion aprobatorio di accountant di e cuenta anual di 2021 entretanto a cuminsa caba. Pais Corsou ta premira cu falta capacidad suficiente pa implementacion di e planan. Por lo tanto, Cft ta conseha Gobierno pa haci uzo di e espacio cu e Acuerdo di Crecemento ta ofrece, door di pidi apoyo tambe pa e meta ey. Ta esencial pa, unabes cu haya e apoyo ey, presta atencion explicito pa salvaguardia e conocemento y competencianan adkiri.

Cft a haci un bishita na Corsou di dia 21 pa dia 23 di october y a tene combersacion cu Gobernador, Ministro di Finanzas (dos bes, un di nan den cual e Ministro a haya sosten di e Director y Supervisor Ministerial - MRT), Consejo di Ministro, Comision di Finanzas di Parlamento, Comision di Progreso di e Acuerdo di Crecemento, Fundacion Oficina di Contabilidad di Gobierno (SOAB), Directiva di SEHOS, Banco di Seguro Social (SVB) y Banco Central di Corsou y Sint Maarten (CBCS).

Dialuna dia 21 di october Presidente di Cft, Señor Raymond Gradus, a tene un charla publico titula “Supervision financiero y crecimiento economico”. Por consulta e presentacion via e website di Cft: www.cft.cw.



Corte ta aproba intervencion administrativo na St. Eustatius

ST. EUSTATIUS (The-DailyHerald) – Estado Hulandes no a actua contra ley ora di adopta e Tijdelijke Wettelijke Veronachtzaming Sint Eustatius, segun corte di prome instancia a dicidi e siman aki.

Conforme cu e ley aki, Consejo di Isla di Statia a ser disolvi na februari 2018, e Consejo Ehecutivo a keda libera di su responsabilidad, y e Gobernador interino di e isla a ser retira honorablemente. Ademá, a nombra un Comisionado di gobierno y su interino.

Ex miembronan di e Consehonan di Isla y Ehecutivo di St. Eustatius, Clyde van Putten, Rechelline Leerdam, Reuben Merkman, Derrick

Simmons y Charles Woodley a inicia proceso legal contra Estado Hulandes.

A entrega e caso den Corte na september 2018, y declaracionnan den e caso a tuma luga dia 24 di september 2019. Den nan declaracion, e demandantenan a pidi un declaracion di Corte cu Estado Hulandes a actua ilegalmente contra nan como individuo y contra Consejo di Isla, Consejo Ehecutivo, y su miembronan. Tambe nan a exigi pago di salario y cancelacion di e conducta ilegal di e estado.

Nan a argumenta cu e Estado a ‘comete un coup d’état’ cu e ley temporal, y a actua den violacion di ley nacional y internacional, incluyendo e Charter di Nacionnan Uni.

E Charter ta cubri auto-determinacion post-colonial y emancipacion politico completo di (antiguo) colonianan.

Den opinion di e corte, tabata negligencia administrativo y intimidacion cu aparato gubernamental di Statia, y e estado tabata obliga di actua pa e motibo aki.

Ademá, e Corte a considera cu a keda estableci cu poblacion di Statia, como parti di Antia Hulandes, a herce su derecho di auto-determinacion manera e ta den Artículo 73 di e Charter di Nacionnan Uni ora a prepara e Charter di Reino na 1954. Statia a scoge boluntariamente di no converti den estado independiente, sino converti den parti di e orden legal segun e ta den Charter di Reino, e

corte a bisa.

Sin embargo, poblacion di Statia a retene su derecho di auto-determinacion, hasta despues di integracion di Antia Hulandes den Reino. E isla a herce e derecho aki na 2005-2006, cu a resulta den e Consejo Ehecutivo aceptando e status nobo di Statia como un Entidad Publico di Hulanda na september 2010, despues di cual e isla a keda hinca den orden legal Hulandes.

Tocante e derecho di auto-determinacion, e corte enfáticamente a declara cu e derecho ta pertenece na e poblacion, no na e Consejo Ehecutivo ni e Consejo di Isla. Ningun regla den Charter di ONU ta preveni Estado di interveni pa coregi ‘desorden’ crea pa

e Consehonan. De hecho, intervencion ta necesario precisamente pa permiti e discusion andando tocante e emancipacion politico completo di e poblacion di Statia den un entidad publico funcional den un manera democratico, segun Corte.

A rechasa e peticion di tur tres demandante, incluyendo Van Putten. Nan a indica caba cu lo apela, y cu lo bay na e cuerponan di mas halto internacional, si ta necesario.



Minister di Finansa a tene reunion urgente na Corsou referente Ansary

WILLEMSTAD (CuraçaoChronicle) – Minister encarga cu finansa di St. Maarten, Perry Geerlings, a tene un ‘reunion urgente’ na Corsou ayera, como siguimento na combersacionnan teni na Miami recientemente cu biyonario Hushang Ansary y presidente di CBCS, Bob Traa.

Geerlings a bisa reporteronan durante e conferencia di prensa di Consejo di Minister diaranson cu e tabata ‘bombardia pa prensa’ tocante e trip ‘pa conoce e doñonan di Ennia Group’. “Berdaderamente mi tabat’ey cu Presidente di Banco Central di Corsou y St. Maarten (CBCS) y e reunion aki tabata pa cera conoci cu e doñonan, pero segun prensa t’ami a usha pa esaki y t’ami a pusha e iniciativa. Esey ta banda di e asunto”, Geerlings a bisa.

CBCS a bisa cu a laga cla den comunicadonan di prensa siman pasa cu Traa a atende e reunion na Miami cu Ansary riba peticion di Geerlings. CBCS a agrega cu ta sirbi dos pais den union monetario, y di e forma aki ta sirbi dos gobierno, dos minister di finansa y dos economia, y por responde na apelacion di un minister.

Geerlings a bisa cu tabatin falta di informacion di CBCS tocante e asunto. “Mi por bisa cu pa algun tempo caba, pa falta di informacion cu mi ta haya di mi propio Banco Central, mi a haya necesario pa investiga kico ta pasando na ambos banda. Y esey tabata exactamente e unico proposito di reuni cu Ansary. No tabata pa yega na ningun acuerdo. Tabata djis pa obtene informacion for di e grupo ey.”

Geerlings tambe a papia di preocupacion rond di Giro Bank. Tambe tin ‘e problema di Giro Bank na Corsou’, cual ta un di e banconan ‘cu tambe ta goberna bou un intervencion di emergencia di banco central, y nos tin problemanan mayor cu e banco aki tambe y cu hopi otro banco estableci na Corsou’, y tur esaki tambe a discuti ayera. Geerlings a priminti cu ora e bolbe di Corsou e lo elabora ‘mas riba locual a acorda. Mi ta spera nos por yega na cierto acuerdo’, el a nota.

Compania di seguro basa na Corsou, ENNIA a cuminsa procedura di liability contra doño di Parman Group, Ansary y su yiu muhe, Nina Ansary, su man drechi Abdallah Andraous y ex-Directornan di ENNIA, Ralph Palm y Gijs van Doorn.

AWE

LOTTO
5

Afl.

540.000,-

Selecta:

Selecciona cinco (5) number entre 1 y 35

03

12

15

24

33

Multi Draw:

Selecta bo numbernan pa e sorteo desea y siguiente sorteonan. Pa asina bo keda den wega!

03 12 15 24 33 X2

03 12 15 24 33 X3

03 12 15 24 33 X4

03 12 15 24 33 X5

Combo:

Puntra bo rebendado pa opcionan di combo.

Afl 4

www.lottoaruba.com

Clasificado

ECONOMICO

Personal GRATIS max. 20 palabra

PASA LAGA BO AVISO NA OFICINA DI BON DIA
ARUBA WESTSTRAAT#22 FOR DI 9:00AM-4:00PM

Email nos na
classified@cspnv.com

TA HUUR

un apartment grandi, Wayaca Residence, pa 1 of 2 persona.
Avg. 1.250 pa luna
Tel. 592 9966

TA HUUR

Un camber muebla riba highway Sta. Cruz . Pa fin di Oct por drehta pa Fls.475
Tel: 741 8637

SERVICIO PUBLICO

ta yuda busca cas
pa compra of huur
Tel. 563 1449

FOR RENT

Timeshare La Cabana
to rent studio
24 oct. to 29 oct. 2019
Tel.641 6184 /583 8132

SERVICIO PUBLICO

ta haci tur tipo di trabou
di costurera
Tel. 593 2085

TA BENDE

Cashi pa warda boter di biña
(Wine rack, 2 drw), unfinished
Teak wood (25 boter)
Tel. 594 0527

TA BENDE

un cas: 3 camber / 2 baño
na Primavera, Avg.395.000
Tel.592 9966

SERVICIO PUBLICO

Mi ta ofrece servicio di
electricidad en general,
problema cu corto circuito
y mantencion
Tel. 566 5026

SERVICIO

Unified One Events
Photos , films, wedding
Tel. 749 2533

SERVICIO PUBLICO

Master Nails
Pa e miho servicio y experiencia
den mantencion y atencion pa
bo huñanan. Yama pa un cita
Tel. 744 9214

TA HUUR

Apart solamente pa pareha
Yama pa mas informacion
Tel : 568 4209

SERVICIO PUBLICO

Sra. ta busca trabou den cuido
di mucha y anciano y tambe
limpieza di cas of oficina
Tel. 749 6870

TA BUSCA

un cas barata pa huur den cu-
nucu den un luga tranquil.
Tel: 7417607/ 7417609

SERVICIO PUBLICO

Buscando auto pa huur y na
bon prijs? yama nos
Tel. 593 9953/ 593 8453

SERVICIO PUBLICO

ta drecha tur sorto
di Imagen y verf
Tel. 584 2489

SERVICIO PUBLICO

Barata Barata
Nos ta chapi, lanta sushi, spuit
veneno, corta mata, na bon prijs
Arubiano balente
Call 592 5766

SERVICIO PUBLICO

Pa haci trabou di verf y chapi,
tur mantencion di pafor di cas
Yama y puntra pa Benito na
Tel.593 0040

SERVICIO PUBLICO

Ta haci tur trabou di
construccion y carpinteria y tur
cos cu ta furamento di stul
Tel : 746 0518

TA HUUR

casita muebla pa 1-2
persona(sin mucha) serio y re-
sponsabel, situa central na San
Nicolas. Excl. awa y coriente
Yama 9am-5pm
Tel. 594 2502

SERVICIO PUBLICO

Christina God Gifted Spiritualist
I specialize in love marriage
I will reunite the separated
I remove all evil negative
energy
I succeed where others have
failed fast immediate results
1-561-557-9540

TA BUSCA

Dama ta busca trabou pa haci
oficina, negoshi of cas limpi
Tel. 566 2406

GRATIS

Nos ta piki tur sorto di auto bieu,
gratis. Tambe airco, bateria,
stoof, wasmachin, frigidaire etc
Tel. 561 4297 / 561 5179

SERVICIO PUBLICO

Ta haci tur trabou di
construccion y carpinteria y tur
cos cu ta furamento di stul
Tel : 746 0518

SERVICIO PUBLICO

Masaje relajante, sports ma-
sajes, aroma terapia, piedras
calientes, reflexologia, faciales
Sabana Basora # 157 P.Ch.
Tel. 561 8520

TA HUUR

1 Apartment full muebla 2 slpk
cu airco, alarm, Paga Bon.
excl: awa, wif, Ecotech, cable
pa 2 persona. No kids, no pets.
Tel.585 5521 / 565 3228

TA HUUR

Bachi pa tur ocasion
Tel. 749 2533

TA HUUR

un cas
3 camber/2 banjo, exclusivo,
Afl. 2.600,- p luna, Monte
Verde Residence, jama
Tel.592 9966

TA BENDE

BBQ Grill tipo cilinder
"criyoyo" duradero
Prijs Afl.250
Tel. 569 7787

SERVICIO PUBLICO

Construction
remodelacion di cas, traha cas,
apartment, traha y drecha dak,
electricidad, verf pega mosaico,
traha cura, plomeria. Bon prijs
Tel. 593 3141

SERVICIO PUBLICO

Gran Feria di Fruta y Verdura
na Rococo Plaza diahuebs,
diabierna y diasabra 3 or te cu
8 or anochi . Tur siman

TA BENDE

un cas na Caya Solo/ Tarabana
Residence di 3 camber y 2
baño, pa Fls.350.000 yama na
Tel. 593 6318

SERVICIO PUBLICO

Mi ta ofrece servicio di electri-
cista en general corto circuito y
mantencion
Tel.566 5026

SERVICIO PUBLICO

Se ofrece servicio de reparacion
e instalacion de aires acondicio-
nados Split e industrial tambien
reparamos frigidaire, cuartos
frios y fabricantes de hielo
Tel. 600 0750

TA HUUR

1 Studio apt. muebla (airco
separa) pa Fls.850 serka di
higway di Santa Cruz.
Hende serio so !
Tel.741 8637 / 699 0746

TA HUUR

apt. studio muebla pa 1 per-
sona serio y responsabel situa
central na San Nicolas
excl. awa y coriente (no mas-
cota).Yama di 9am-5pm
Tel.594 2502

TA HUUR

Apartment full muebla. Incl.
awa, excl. coriente. Vecindario
Tele Aruba.
Pa mas info yama
Tel.593 8488 / 593 7755

SERVICIO PUBLICO

recojemos todo tipo de basura
(nevera, estufa, etc)
Tel. 564 1979

FOR SALE

Commercial property close to
the new Container Port in
Barcadera, build-up 424 m2,
land 2400 m2 for \$337,078.
For more details
Tel. 593 6318

TA BENDE

Toyota Yaris 2008 color preto,
automatic. Pa mas info yama
Tel. 592 6657

SERVICIO PUBLICO

Pa tur trabou di tapiceria di
mueble, auto, yate y barco.
Nos ta haci trabou di cabana y
bambu y nos ta verf
Tel : 569 7539 /737 3993

ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

Yama na telefon: 582-7800 of manda un email na accounting@bondia.com
www.bondia.com

Preparando pa bin studia na Den Haag, corda busca un camber tempran



DEN HAAG – Un bon preparacion na Aruba pa bo estudio avansa aki na Hulanda por scapa bo hopi dolor di cabes, stress y preocupacion. E ta rekeri mas cu paketa maleta y inscribi na un scol unda cu bo ta desea di sigi studia pa bo futuro. Den Haag ta un ciudad hopi internacional y cada aña ta crece mas den un ciudad unda hopi estudiante, tanto Arubiano como studiantenan di otro nacionalidad, ta sinti nan mes na cas pa bin studia.

Conseho di Shahaira Brokke como mentor di Den Haag ta pa si bo tin pensa pa bin studia na Den Haag inscribi bo mes mas pronto posibel na un woningcorporatie cu ta ofrece vivienda pa estudiante.

E woningcoöperatie mas conoci cu ta ofrece vivienda pa estudiante ta DUWO. Riba nan website bo por inscribi manera bo cumpli 16 aña pa asina bo cuminsa acumula tempo di inscripcion. Mas tempo bo tin inscribi mas chens bo tin pa haya vivienda. Desde e ana aki DUWO a introduci un “voorrangsregeling” pa nos estudiante nan cu ta interesa pa bin studia na Den Haag.

Pa por bin den remarca pa e voorrangsregeling di DUWO bo mester inscribi bo mes via nan

website www.duwo.nl. Costo pa inscripcion ta 35 euro pa un solo biaha y bo inscripcion ta valido pa un periodo di 8 aña.

Un punto importante ta cu e “voorrangsregeling” ta solamente valido pa studiantenan cu ta bin di afo y cu no ta inscribi ainda na Hulanda.

DUWO ta uza e plataforma di Room.nl. Ora bo ta inscribi na DUWO bo mes como estudiante mester keda monitor bo

inscripcion. Esaki bo por haci via e website di room.nl unda ta poni aanbod. DUWO mes no ta bai manda bo cambernan cu ta disponibel pa huur. Na Den Haag tin algun scol cu ta ofrece studiantenan cu ta bin di afo vivienda via di scol mes.

E informacion aki ta wordo poni riba nan website bou di e topico accommodation of housing. Haagse Hogeschool i Hogeschool Inholland ta brinda e servicio aki pa studiantenan cu ta bin di afo. Si bo ta considera e opcion aki tuma bon nota di nan deadlines pa inschrijving.

Tin estudiante of nan mayornan ta opta pa busca appartement via un makelaar, mayoria bes esaki ta sosode ora e estudiante ta desea di bai biba cu un amigo o amiga of ta laat cu su inscripcion na un otro woningscoöperaties.

Si bo ta desea di busca un apartamento via makelaar tuma bon nota si bo ta bin na remarca pa huurtoeslag y tambe mester sigura si e makelaar ta existi di berdad y tambe uno renombra y

reconoci.

Un punto hopi importante cu mentor Shahaira kier trece dilanti ta cu ora reacciona riba un

camber of vivienda nunca paga e suma di borg adelanta. Semper, bo ta wordo invita pa bin hasi un “bezichtiging” prome y despues di firma contracto ta paga borg, huur etc. Esaki pa evita cu bo ta bira victima di “scam”.

Un familiar of conoci por bai haci e “bezichtiging” pa bo si bo mes no ta na Hulanda ainda.

Corda tuma tempo pa lesa e contracto bon y laga bo mayornan tambe haci esaki.

Den e comunicado aki mi kier publica un lista di diferente website pa busca y inscribi pa haya un camber na Den Haag.

www.duwo.nl

Check e informacion ariba.

accommodation@hhs

Vivienda via Haagse Hogeschool, pa informacion tuma contacto cu departamento di accommodation/international service di Haagse Hogeschool.

Manera menciona den e articulo, vivienda ta pa un 1 aña y ta mayoria biaha ful muebla y inclui tur gasto di utilidad (awa, coriente y gas). Ta recomendabel pa manda un mail asina cu bo a dicidi pa bin studia na Haagse Hogeschool, asina bo ta na tempo y bo chens pa haya vivienda ta mas grandi.

<https://www.inholland.nl/inhollandcom/study/accommodation/the-hague>

Pa vivienda via Hogeschool Inholland por tuma contacto cu nan departamento International

service via email adres: Infooffice@inholland.nl Nan no tin hopi camber y p’esey ta consehabel pa tene bista riba nan website entrante luna di mei 2020 y asina cu bin camber disponibel pa reacciona di biaha. E cambernan ta pa 1 aña y mayoria biaha nan ta ful muebla y inclui tur gasto di utilidad.

info@hotelschool.nl

Prome aña di bo estudio nan Hotelschool The Hague bo ta biba den un “student residence”, The Skotel, cu ta forma parti di e scol. Pa mas informacion tocante The Skotel bo por tuma contacto cu Campus The Hague via nan e-mail

<https://www.staedion.nl/> Riba e website di Staedion e estudiante mes mester traha su “zoekprofiel”. Ora e estudiante traha su profiel e ta ricibi diferente mail cu aanbod di vivienda cu ta pas cu su profiel. Mas largo un persona ta inscribi mas hopi punto e ta acumula pa un vivienda.

www.Y-thehague.com

Woningcoöperatie The Y ta ofrece camber y apartamento. Nan ta pidi un persona pa para

garantia y esaki por ta un persona cu ta biba na Aruba

www.geste-students.nl

Woningcoöperatie cu vivienda pa estudiante - mescos cu the Y - ta pidi un persona pa para

garantia y e mag di ta un persona cu ta biba na Aruba.

www.vestingvastgoed.nl Vestingvastgoed ta un makelaar na Den Haag y por inscribi via nan website.

www.duinzigt.nl

Duinzigt ta un makelaar na Den Haag cu tambe ta pidi un persona pa para garantia. Un diferencia grandi ta cu nan SI ta pidi esaki di un persona cu ta biba na Hulanda.

Algun website cu tambe ta ofrece vivienda pa studianten y por ta un opcion banda di e esunan menciona aki riba

www.thestudenthotel.com
www.kamernet.nl
www.wooninvest.nl
<https://www.nestpick.com/>
https://www.room-to-rent.nl/en_GB/
<http://hetmagazijninden Haag.nl/?lang=e>

Pa mas informacion por tuma contacto cu Shahaira na: email: s.brokke-mentor@arubahuis.nl

Number di telefon 070-3566254 of riba celular 06-82128047

E potret ta cortesía di Cas di Aruba



Minister Plenipotenciario na Washington, Joselin Croes:

E importancia di colaboracion internacional pa Aruba



ORANJESTAD – Minister Plenipotenciario na Washington, Joselin Croes a reacciona riba un corant local cu a ‘copy paste’ un post di su Facebook na unda el a compila tur e colaboracion, ayudo tecnico, capacitacion cu Aruba pronto lo ricibi di Fondo Monetario Internacional (IMF). E corant aki a cualifica e logro aki como un berguensa nacional y a implica cu e ta un berguensa cu Aruba mes no tin experto riba e tereno aki pa haci e trabounan rekeri.

“Na e corant aki mi kier haci e siguiente pregunta. Si New York Times, Miami Herald, CNN of BBC ofrece bo corant cu e lo manda un team di cuater hende Aruba pa duna bo team na Aruba training y of ayudo gratis y tambe nan lo yuda bo mehora bo corant cu consehonan valido, bo lo bis’e no pasobra ta un berguensa pa bo corant of bo lo gradici’e pa considera bo corant y bo lo acepta e colaboracion y ayudo aki man habri?”.




Den un comunicado di prensa, Croes a enfatisa cu Aruba mester ta agradecido cu e ayudonan internacional cu Aruba a logra haya danki na e insistencia di nos Prome Minister y Minister di Finansa, Economia y Cultura durante cada bishita na Washington DC of New York. IMF ta un institucion cu mas di 60 aña di experticio riba e ramo monetario y finansa publico. IMF tin 189 pais tur rond di mundo como miembro cu hunto ta traha pa stabilisa y mehora e situacion financiero y economico di mundo. Nan tin un total di 2400 empleado cu nan experticio ta yuda paisnan cu training, capacitacion, audit, control, estadistica y mas. Nan ta yuda tur aña mas o menos 30 pais y nos ta privilegia cu Aruba tambe lo ta un di e paisnan cu e aña aki y otro aña lo por conta cu e experticio y ayudo di IMF.

Minister Plenipotenciario Croes a expresa cu esaki no ta significa ningun momento cu Aruba no tin hende capacita pa haci e trabounan aki. Esaki ta nifica cu Aruba lo haya ayudo pa controla y wak si e trabou cu e ta haciendo ta cumpli cu normanan internacional. Tambe e lo trece cune cu Aruba lo por compara su datonan cu otro islanan den Caribe pa wak con nos ta haciendo ya cu IMF tin tur e datonan aki.

Otro colaboracion internacional importante pa Aruba, segun Minister Plenipotenciario Croes, ta por ehempel esun cu Pan American Health Organization (PAHO) cu ta yudando Aruba compila y traha estadistica di e malesa di cancer na Aruba. Den pasado nan a yuda Aruba cu rapport riba obesidad y diabetico. Tambe Aruba ta haya ayudo di WorldBank (WB) pa cu e ‘doing business report’. Un otro colaboracion importante ta cu State Department y Department of Justice cu tambe ta colabora cu Cuerpo Policial di Aruba. Asina tin hopi mas colaboracion entre Aruba y instancianan internacional. No ta Gobierno so ta busca colaboracion y ayudo internacional pero por ehempel Universidad di Aruba, IPA, Biblioteca Nacional y hopi mas instancia publico y priva ta afilia nan mes cu organisacionnan internacional pa mehora nan servicio, curiculo y capacitacion di nan staff.

“Den tur caso ami lo sigui traha duro pa crea oportunidadnan pa colaboracion y capacitacion pa Aruba, pasobra nos ta un isla chikito y no ta tur cos nos por haci nos so. Tur pais na mundo ta haciendo mesun cos y nos no por laga oportunidadnan grandi y positivo asina pasa nos voorbij.

Mi kier a uza e oportunidad aki pa curasha y invita tur Arubiano cu ta interesa pa tuma cursonan gratis di IMF riba e topico di Maneho di Finansa Publico pa registra na IMF.org/PFMx. Ami a tuma parti di e curso aki y e ta hopi simpel y cla. E ta yuda bo comprende con e presupuesto anual di pais Aruba ta wordo traha y e impacto cu cada decision tin pa bo y pa bo isla. E curso aki ta habri pa un y tur cu ta interesa pa tum’e”, Croes a duna di conoce.



Un biaha mas situacion penoso patras di Hotel Central

ORANJESTAD – Team di Bureau City Inspector, mientras tabata realisando control den area di Caya Principal, un biaha mas a encontra un situacion penoso patras di Hotel Central.

E situacion ta cu adictonan ambulante ta acumula un gran cantidad di sushi na e lugá aki un biaha mas.

BCI a pidi Serlimar pa manda un ploeg pa haci e area aki limpi.



Kibramento na La Estrella

ORANJESTAD – E compra y benta La Estrella su sucursal den Layex Building a bira victima di kiebrot y ladronia ayer mainta.

Alarma a wordo bati ora cu antisocial a drenta den establecimiento comercial aki y nan a bay cu obhetonan di balor. Pero tur cos ta indica cu tin un grabacion cu ta muestra e delincuente cu a comete e acto aki. Pues polis ta trahando riba un bon pista pa captura e delincuente aki.



Auto bieu sin plachi number riba stupi



ORANJESTAD – Bureau City Inspector a ricibi cantidad di notificacion tocante un auto bieu, sin plachi number, cu tabata para riba stupi na Playa.

Teab di BCI a bay controla, unda a haya doño di e auto, cual ta un Nissan Sentra. E doño a bay di acuerdo pa forma un afstand-verklaring pa kita e auto, y asina por a kita e auto for di caminda.



Relojes
Pulseras
Cadenas
Dijes

Nos ta graba
tur sorto di
articulo
di metal
yama of
bishita nos

Tanki
Leendert 178-A
Tel: 587 3940
Fax: 587 2478
Cell 592 9055
email: adalbertovilla@live.com

“COMPRA Y VENTA”

Bachue
Joyeros

Compramos
Vendemos
Arreglamos todo tipo de Joyas
Contamos con un Buen Surtido de
Pulseras y Baterias para Relojes
Habri di Dialuna pa Diasabra
9:00am pa 1:00pm y di 2:00pm - 6:00pm

BACHUE

**JOYERIA
COMPRA Y VENTA**

Abo!

No tin tempo
pa Laba y Seca bo
Pañanan!

Pasa y Laganan na:

AQUA
LAUNDRY

Habri di Dialuna pa Diasabra
7:30am non stop 7:30pm
Diadomingo de 9:00am - 1:00pm

Tel: 587 0772



Desigualdad ta pone hende busca un miho futuro na otro pais



BEIJING (AP) – Ta kere cu e 39 curpa haya den un truck na Inglatera ta bin di China. E tragedia ta revela algun hechonan crucial pero algun biaha ignora tocante e desaroyo di China, mientras e ta gosa di su status nobo como un poder mundial,

cual a eleva miyones di su ciudadanonan den clase medio.

A pesar di e rikesa di Beijing y Shanghai, gran parti di China ainda ta relativamente pover y crecemento economico a crea un enorme gap di rikesa, specialmente entre ciudad y

interior rural. E gap den entrada a impulsa hopi pa busca un miho bida den exterior.

Algun ta haci'e pa propio decision, otro forsa of manipula pa haci un biahe peligroso. Gobierno di China a bisa cu no ta confirma si e curpanan cu a wordo haya ta di ciudadano Chines, segun a informa Polis Britanico.

Vocero di Ministerio di Relacion Exterior, Hua Chunying, a pidi pa redobla cooperacion pa combati trafico di persona y a bisa cu diplomatico Chines tabatin contacto cercano cu Polis Britanico y Belga, unda cu a transporta e container pa Inglatera.

Gobierno Chines ta busca di pasa responsabilidad pa otro-

nan, mirando cu gran parti di e popularidad di partido comunista ta basa riba e mejoracion di calidad di bida pa su miyones di habitante. Añanan recien a aumenta gasto social pa extende cuido di salud y educacion avansa pafo di e elitenan urbano. China ta bisa cu a reduci e cantidad di persona bibando bou linea di pobresa, for di 770 miyon na 1978 na alrededor di 15 miyon, mientras casi mita di hoben Chines ta bay na educacion mas avansa.

Sinembargo, miyones di Chines ainda ta traha na fabrica leu di cas y ta obliga pa laga nan yiunan. Salario a aumenta, pero ainda ta abou pa e standard occidental, algun cientos di dollar, dependiendo di e region.

E apetit di China pa labor mester elimina e necesidad pa migracion ilegal, y traficacion humano a disminui 'drasticamente' den añanan recien, segun Chu Yin, profesor na Departamento di Administracion Publico di Renmin University. Sinembargo, algun ainda ta atraí pa e posibilidad di bira rico den exterior.

"Nos ta bisa cu si bo ta clase medio, lo tin mas oportunidad na ciudad manera Beijing, pero si bo ta cla di clase abou, bo por gana mas placa na pais Europeo y Merca. Tambe tin persona cu ta envidia kende a traha placa den exterior y awo mas persona kier haci mescos", Chu a bisa.

Polis Iraki ta cuminsa tira riba manifestante

BAGDAD (AP) – Autoridad a cuminsa tira den aire y uza otro metodo pa hala leu e miles di manifestante cu tin riba caya di Bagdad, mandando manifestante hoben core bay. Mas di 60 persona a wordo hospitalisa cu dificultad pa hala rosea, segun trahado di hospital.

E confrontacion a tuma luga mainta trempan despues cu demostracion anti-gubernamental a cuminsa. Protesta a cuminsa dia 1 di october pa motibo di corrupcion, escasez trabou y falta di servicio basico.

E protestanan despues a extende na varios provincia sur cu mayoria di poblacion

Shiita, y autoridadnan a impone un toque de queda y a shut down internet pa varios dia, den un esfuerzo pa stop e disturbionan.

Despues di un siman di violencia na e capital y provincia sur di e pais, un investigacion designa pa gobierno tocante e protesta a determina cu forsa di siguridad a uza forsa excesivo, matando 149 persona y heridando mas di 3.000 persona. A recomenda e retiro di hefenan di siguridad na Bagdad. Ocho miembro di forsa di siguridad tambe a wordo asesina.

Manifestante a menasa pa hinca Iraq cu un ciclo nobo di inestabilidad cu por bira mas peligroso cu a enfrenta

e nacion marca pa conflicto, di apenas dos aña despues di e declara victoria di e grupo Estado Islamico.

Forsa di siguridad di Irak y trahado di gobierno a priminti di evita mas violencia mortal y a desplega riba e cayanan di Bagdad na prevision di protesta. E ronda actual di protesta ta respalda pa e Shiita nacionalista, Muqtada al-Sadr, kende tin un base popular di Shiita y e cantidad di asiento mas grandi den parlamento.

El a pidi retiro di gobierno y a suspende e participacion di su bloc den gobierno te ora cu presenta un programa di reforma. Sinembargo, militia poderoso Shiita respalda



pa Iran a sostene gobierno y a sugeri cu e manifestacion ta un conspiracion for di exterior.

Na cuminsamento di luna, manifestante a organisa protesta riba rednan social, pa

cuminsa for di plasa central Tahrir. Manifestantenan, mayoria hoben, hende homber cu no tin trabou, ta bisti bandera di Irak y protesta, exigiendo trabou, awa, y electricidad.

Utility di California ta admiti di a ocasiona candela

LOS ANGELES (AP) – Compania di utilidad mas grandi na California a admiti cu su ekipo por a causa un candela destructivo cu ta expandiendo a traves di e estado, a pesar di im-

posicion di blackout den e region pa preveni candela.

E revelacion a yega mientras bomberonan simultaneamente ta combati candela den Nort y Sur California: E



candela entre biñeronan na Sonoma County y un candela impulsa pa biento cu a destrui cas cerca di Los Angeles.

E biento a cuminsa den area di Santa Clarita. Mas di 50.000 persona ta bou orden di evacuacion. Na Nort di California, un candela cerca di un wine country town na Geyserville a kima 49 edificio.

Menasa pa calor, segura y biento cu ta laga e candela crece, centenares di bombero kende ta purba proteha cas y nan patio cu ta rondona cu palma y mondi. Den algun luga nan

a faya. Algun propiedad di rancho y cas a wordo destrui na Canyon Country area di Santa Clarita.

Sikiera seis cas a kima, y oficialmente a bisa cu ta spera cu e cantidad lo aumenta mientras nan ta evalua mas profundamente. No a reporta heridonan.

Algun residente a purba lucha contra e candela cu slang di hardin. Hende a core pa rescata decenas di cabay, burico, carne, cabrito y hasta un Emu.

South California Edison, cu ta e planta di electricidad, a

kita poder pa mas di 31.000 cliente riba diahuebs, tabata considerando pa kita coriente pa mas di 386.000 cliente. Sinembargo, PG&E a bisa diahuebs cu no a paga un linea di transmision di 230mil volt cerca di Geyserville, cual a mal- funciona algun minuut prome cu e candela a cuminsa.

E shutdown di coriente tabata diseña pa preveni cu biento fuerte y candela stroba e cable di electricidad. Desafortunadamente, tin premira cu pa fin di siman lo sigui afecta Nort California.

APA y ATA hunto den di 26th Annual FCCA Cruise Conference & Tradeshow na Puerto Rico



ORANJESTAD – Despues di e ceremonia di apertura dialuna, e conferencia di Florida Caribbean Cruise Association (FCCA) a cuminsa oficialmente diamars mainta y a sigui merdia cu diferente evento relata na e mundo di turismo crucero.

E conferencia di FCCA ta un evento di cinco dia disena pa crea un miho comprension di e forma di traha di e industria crucero y ta yuda e participantenan crea relacionnan comercial. Via di forumnan specialisa cu ta combina reunion- y tayernan

cu eventonan social, e participantenan tin un chens unico pa desaroya relacionnan, promove productonan y hiba combersacionnan cu mas di 100 ehecutivonan di FCCA su lineanan crucero, cu ta e grupo cu ta dicidi unda e barconan ta bay y con pa inverti den destinacion y infraestructuranan.

Un delegacion di Aruba consistiendo di representantenan di Aruba Ports Authority N.V. (APA) y Aruba Tourism Authority (ATA) ta participando conhuntamente den e conferencia grandi aki tumando lugha na Puerto Rico

cu participacion di mas cu 1000 persona di mundo di turismo crucero. E conferencia di FCCA ta esun ideal pa sigui estrecha e lasonan cu socionan crucero y crea conexionnan nobo.

E conferencia internacional aki ta conta cu participacion di companianan manera Carnival Cruise Line; Silversea Cruises; Royal Caribbean Cruise Ltd; MCS Cruises Ltd; Holland America Group; Virgin Voyages; Disney Cruise Line y Norwegian Cruise Line Holding.

Un parti importante di e eventonan aki ta e oportunidad cu ehecutivonan di turismo di diferente destinacion ta haya pa reuni personalmente cu ehecutivonan crucero. E ta un oportunidad unico pa

motibo ta haya mayoria di e ehecutivonan importante di e diferente lineanan crucero presente den e di 26 conferencia anual di FCCA. APA conhuntamente cu ATA sigur ta probecha pa scucha tambe con mas por mehora e producto Aruba y e infraestructura di haf Oranjestad y alabes presenta e mehoracion y proyectonan di embeyece-mento cu ta den preparacion / ehecucion.

Participando na tipo di eventonan aki Aruba a logra cu companianan crucero a inclui algun di nan barconan mas grandi riba e bishita pa e isla, aumentando asina di forma gradual e cantidad di pasaheronan crucero cu ta yega Aruba. Asina Aruba a ricibi na 2016 656.043 pasahero crucero den e 307 barconan

cu a yega; na 2017 e tabata 352 barco crucero cu a trece 792.403 pasahero y na 2018 el a subi atrobe pa 815.161 pasahero crucero pero den menos barco cu a yega, esta 334. Esaki a logra door cu a haya barco mas grandi. E cifranan di 2019 te cu september ta muestra cu a ricibi 208 barco crucero caba cu a percura pa 555.525 pasahero y e proyectacion pa e aña aki lo ta cu lo yega rond e cantidad record di aña pasa.

Den e cinco dianan cu e conferencia di FCCA na Puerto Rico ta dura, ta confirma rutan exitoso, ta probecha discuti problemanan den gruponan y cu ehecutivonan di e 18 companianan crucero presente, cu semper tin bon conseho pa nan clientenan.

BONDIA
ARUBA

BISA NO NA ABUSO

Abuso di mucha ta tur forma di agresion fisico, emocional, sexual y negligencia cu por pasa cu mucha entre 0 - 18 aña. E abuso tin consecucionnan serio pa e desaroyo di e mucha.

Mucha tambe tin derecho

DON'T MISS IT!

2 Nov 2019

OPEN HOUSE

Upcycle Center
Serlimar
Ora: 9 am pa 3 pm
Lugar: Upcycle Center Serlimar
Pos chiquito

Lo ta bay tin bendemento di producto cu materialnan recicla
Bendemento di cuminda, sopi, bolo cos dushi y artesanía y mucho mas.

Alumnonan di Unidad di Servicio EPB San Nicolas ta completa curso di ‘Programa di Excelencia di Aruba’.

ORANJESTAD – Despues di un periodo di 5 siman e alumnonan di e di dos aña di Unit Service a finalisa nan curso di ‘Programa di Excelencia di Aruba’. E curso a cuminsa for di september y a finalisa siman pasa 17 y 18 di october 2019. Un total di 46 alumno a participa na e curso den ‘Horeca Project’.

E curso aki tin como meta pa educa nos alumnonan y cera nan bon conoci cu nos Isla Aruba door duna nan informacion corecto y consistente di nos isla.

Tambe ta siña e alumnonan con pa duna un Servicio Excelente cu ‘Zjeito’ na nos comunidad y nos bishitantenan. Asina ta percursa pa hisa e nivel di ‘Servicio Excelente’ na Aruba y pa esaki keda riba un nivel halto.

Nos alumnonan ta siña y cera conoci cu e hende pa su profesion, bira mas orguyoso di e profesion cu nan a scoge pe y tambe bira consciente con importante nan rol ta pa nos industria di turismo.

Na final di e curso e alumnonan a bay un bustrip y a ricibi nan certificado cu ta balido pa 4 aña, con pa duna Servicio excelente na nos comunidad. Un pabien ta bay na tur e alumnonan cu nan certificacion y un danki di curason na “Aruba Excellence Foundation”, con hunto Aruba Certification Program cu a haci esaki posibel.

Sin lubida e facilitadonan cu a presenta e curso señora Susana Romero, mener Giovanni De Windt y señora Melissa Robert bou di guia di mr. J. Kock y juf. N. Solognier.



Campaña 'Ban Lanta y Planta' a start sali

ORANJESTAD – Despues di un post riba Facebook di Sr. Ewald Biemans di Bucuti Beach Resort, cu a inspira un grupo di amigo pa bini hunto pa cuminsa cu un iniciativa. Nan tabata sa tambe cu nan tabatin mester di ayudo, p'esey nan a invita e expertonan di tanto Santa Rosa como Departamento di Naturalles y Medio Ambiente y otro persona cu experticionan pa forma parti di un grupo cu ta bay traha pa motiva y inspira otro nan pa planta mata y palo nan na Aruba.

Despues di varios sesion di 'brainstorming' a dicidi di start sali cu un campaña di conscientisacion y accion na unda ta invita tur hende cu ta biba na Aruba pa cuminsa planta mata pa Aruba por haya mas vegetacion, sombra y tur otro beneficienan cu mata ta brinda.

E grupo di amigonan y e departamentonan di Gobierno cu ta specialisa riba e tereno

a bini hunto pa lansa awe nos campaña cu ta basicamente mobilisa tur hende pa planta bek. E intencion no ta pa e keda na un accion y nada mas, e ta un idea pa sigui y curasha otronan pa planta mas mata pa Aruba y mundo. Nos ta cuminsa cu un luna di campaña na unda nos ta pidi pa via di nos pagina di Facebook e publico participa y manda nan potret of video di plantamento di un mata den nan cura y post esakinan riba e pagina di BAN LANTA Y PLANTA! Lo saca varios ganadonan di premionan hopi atractivo cu nos ta bai anuncia riba e mesun pagina aki. Por sigui e pagina di Facebook BAN LANTA Y PLANTA pa haya sa di e premionan y e diferente actividadnan cu ta pasando.

Tambe nos tin directora di scolnan publico, sra. Nora Eleonora cu nos a invita pa participa cu e movimiento aki na unda cu un total di 10 scolnan publico ta bay ta envolvi.



Nos lo bay ta acerca varios instancia den e proximo temporada pa participa cu nos den forma di premionan pa duna e ganadonan di e campaña BAN LANTA Y PLANTA!

Awe nos ta bai planta un mata den cura di Bucuti Beach Resort como prome ehempel den e sector hotelero cu ta cuminsa cu planta un mata

di fruta. Mi ta invita miembronan di prensa pa ban cu nos pafo unda nos lo efectua e prome paso di nos campaña BAN LANTA Y PLANTA.

Aruba e Capital di 'Street Art' di Caribe en ruta pa Aruba Art Fair 2020

Lusette Verboom di Kas di Alma Blou ta e Curator pa Aruba Art Fair 2019



ORANJESTAD – Aruba Art Fair 2019 ta hopi orguyso di por presenta Lusette Verboom, di e galeria tan conoci y renombra na Corsou, Kas Alma Blou. Como e proximo curator di Aruba Art Fair 2019.

Lusette a cuminsa na 2001 cu un souvenir shop masha chikito, pa despues di 5 aña muda bay un edificio mas grandi cu el a yama Kas di Alma Blou. Aki el a combina souvenir y exposicionnan di arte.

Na aña 2006 Lusette a habri su Galeria den e prestigioso Landhuis Habaai. Aki tambe a tene un gran cantidad di exposicion di diferente artistanan conoci di region di Caribe, di Hulanda y di Corsou mes y Aruba.

Lusette ta presidente di Fundacion Arte 99, un fundacion cu ta organisa eventonan di arte na Curaçao y e tabata hopi instrumental den produccion di e buki Curacao Classics, Visual Arts 1900-2010 y recientemente tambe a produci e 'quartet game for the visual art in Curaçao'.

Aruba Art Fair ta hopi contento cu Lusette Verboom ta bin duna un man y comparti su experiencia y conocimiento cu Aruba Art Fair 2019. Elo wordo asisti pa e artista di Aruba conoci, Nelson Gonzalez y

tambe den e seccion di 'Performance Artist' pa John Freddy Montoya

Ta di remarca cu e lasonan estrecho entre e islanan ta ser sinti mas y mas pa loko ta concerni Arte y Cultura. Esaki lo aumenta ainda mas pa 2020, ora e division Nature and Faces lo bay tur islanan di paisnan baho cu nos ta yama Antillas Hulandes.

Lusette, hunto cu e organisacion di Aruba Art Fair ta invita pueblo di Aruba pa bishita e explosion di Arte y Cultura.

Aruba Art Fair 2019, lo ta den e cayanan di San Nicolas, November 22, 23, 24, 2019. Cuminsando tur anochi pa 7or na unda Arte, musica, baile, y mas di 150 artista lo trece nan arte den un manera singular. 2019 lo marca asina e apertura pa e di prome lustro na 2020 cu ta culmina den e remodelacion di Hooiberg na unda e 600 trapinan lo haya diseñonan di tur parti di mundo pa completa e obra di mas grandi di Mozaik den Caribe.

Partners di Aruba Art Fair 2019, cu ta haci e explosion di Arte posibel ta entre otro Departamento di Cultura Aruba y Divi Resorts

Pa mas informacion bishita nos website www.arubartfair.com of yama 584-2424 oficina di ArtisA.



Final di Copa Libertadores lo keda na Santiago



ASUNCION (AP) — E final di Copa Libertadores no lo move for di Santiago a pesar di protestanan anti-gubernamental cu a sacudi e capital Chileno.

Alejandro Dominguez, presidente di cuerpo di futbol Sur Americano CONMEBOL, a bisa Radio Monumental 1080 di Paraguay cu e wegá entre River Plate di Argen-

tina y Flamengo di Brasil lo keda na e stadion nacional dia 23 di november proximo. Ta e prome biaha cu e titulo di e Copa Libertadores lo wordo dicidi den un unico partido.

Campeon defensor River ta buscando nan di cinco corona Sur Americano, mientras Flamengo ta bayendo pa su di dos.

Tsitsipas ta gana na Swiss Indoors pa set up semifinal contra Federer

BASEL (AP) — Cu Roger Federer hayando un dia liber sorpresa ayera, su proximo oponente, Stefanos Tsitsipas mester a traha duro pa avansa na e semifinal di Swiss Indoors.

#3 seed Tsitsipas a rally pa vence Filip Krajinovic 3-6, 6-4, 6-4 den e quart final, probechando ora e Serbia, rango #46, a manda un retorno di servicio largo.

Tsitsipas tabata e atraccion principal ayera den e torneo na e ciudad natal di Federer, despues cu un quart final completamente Suiso a bira un victoria facil pa Federer, cu Stan Wawrinka retirando cu un lesion di lomba.

Top-seed Federer ta buscando un di 10 titulo na Basel. E otro semifinal lo mira Reilly Opelka, sin seed, y e entrada wild-card Alex de Minaur enfrenta otro.

Opelka a manda 31 aces ora el a vence e #4 seed, Roberto Bautista Agut 6-3, 3-6, 6-3. E Mericano rango #37 a dal cinco di e aces aki consecutivo pa gana e prome set despues di cay atras 0-40 cu un bentaha 5-3.

De Minaur, di 20 aña di edad, a vence Jan-Lennard Struff 6-4, 7-6 (4)



A horta jersey di Tom Brady – atrobe

FOXBOROUGH (AP) — Autoridadnan ta bisa cu un homber di Rhode Island, bishitando e Hall of Fame di New England Patriots a tuma un jersey di Tom Brady for di un display y a cana bay cune.

Zanini Cineus di Providence a keda den libertad bou reconocemento personal despues di declara su mes no culpabel di un cargo di ladronia durante su aresto diahuebs. Polis ta bisa cu e homber, di 33 aña di edad, tabatin e jersey bisti bou di

su jacket ora el a wordo para diahuebs den cercania di e Hall of Fame. Polis ta bisa cu e jersey, cual tin autografo di Brady, tin balor di \$10mil. E team ta bisa cu Brady no a bisti e jersey den un wegá. Abogado di Cineus, Bill Galvin, a nenga di duna comentario.

E jersey di Brady – esun cu el a bisti durante un wegá – a ser horta di un locker room despues di e victoria den overtime di Super Bowl di e Patriots riba Atlanta Falcons na 2017.



Rika Kihira di Hapon lider den Skate Canada despues di programa short



KELOWNA (AP) — Rika Kihira di Hapon a domina e programa short femenino di Skate Canada cu 81.35 punto ayera.

Young You di Sur Korea tabata na di dos luga cu 78.22 punto, sigui pa e Ruso di 15 aña di edad, Alexandra Trusova cu 74.40. Evgenia Medvedeva di Rusia, e dos-biaha campeon mundial y medayista di silver Olimpico, no a

logra ehecuta un double axel limpi y a cay riba su salto final pa caba na number seis di e 12 atleta femenino den e competencia.

Den par, Aleksandra Boikova y Dmitrii Kozlovskii di Rusia a logra 76.45 punto pa bay cu e posicion lider den promedia. Kirsten Moore-Towers y Michael Marinaro di Canada tabata na di dos luga cu 75.50, y Evgenia Tarasova y Vladimir Morozov di Rusia tabata

na di tres luga cu 73.57. Den baile riba ijs, e Mericanonan, Madison Hubbell y Zachary Donohue a top e programa short cu 83.21 punto. Nan ta biniendo di un victoria siman pasa na Skate America na Las Vegas.

Piper Gilles y Paul Poirer di Canada tabata na di dos luga cu 82.58, sigui pa e Mericanonan, Kaitlin Hawayek y Jean-Luc Baker cu 79.52.

Presidente Trump lo topa cu contrincante na Serie Mundial



WASHINGTON (AP) — Un dia despues cu presidente Donald Trump a bisa cu e tin plan pa atende Wega 5 di Serie Mundial, Washington Nationals a anuncia cu e prome lansamento ceremonial lo ser haci pa chef José Andrés, un critico conoci di Trump.

Andrés, propietario prominente di un restaurant local, repetidamente a critica politica di Trump pa loke ta inmigracion y e respuesta di gobierno riba e crisis na Puerto Rico despues di pasada di horcan Maria. El a hasta hiba Trump corte.

“E nomber a bin di Nationals, y tabata parece un bon escogencia,” Baseball Commissioner Rob Manfred a bisa ayera. “Pues e tabata un tipo di decision conhunto.”

Cuatro aña pasa Andrés a retira plan pa habri un restaurant den Trump International Hotel na Washington, despues di Trump su comentarion-

an controversial tocante inmigrante Mexicanodurante e campaña presidencial.

Trump Old Post Office, cu ta opera e hotel como encargado bao di un lease cu General Services Administration, a hiba e companianan di Andrés, Think Food Group y Topo Atrio, corte na juli 2015 pa kibra contract y a reclama daño y perhuicio di mas di \$10 milyon.

“E encargado a permiti señor Mr. Trump pa hinca nos cu e peso di su declaracionnan inflamatorio, di tal forma cu pa nos opera un restaurant Spaño di categoria na e sitio aki ya no ta viable,” companianan di Andrés a bisa den un declaracion e luna despues. Andrés su companianan a entabla un reclamo tambe y e caso a keda regla den corte Superior di Washington D.C. na 2017.

A puntra Trump si e presidente tabata kier a tira e prome lansamento, pero el a desisti y lo yega despues di e inicio ceremonial.



AUTO PARTS

October 24, 2019

Apresiado Cliente nan di NAPA Cura Cabai , Gerencia di NAPA kier a trese na conosemento di pueblo en general cu desde 4 di November 2019 NAPA Cura Cabai lo ta será riba Tur Dialuna , parti Mainta , por favor tuma bon nota di e cambio di horario aki .

Nos otro tienda nan na Sta Cruz i Shaba si lo mantene nan horario normal di 8 -12 – 1.30 pm pa 5.30 pm

Danki di Antemano

Gerencia NAPA Auto Parts Aruba

Cabay ta fayece despues di incidente na Santa Anita



ARCADIA (AP) — Un di cinco cabay a perde su bida na Santa Anita e herfst aki, e di 35 fatalidad en total desde dia 26 di december ta e pista di carera den sur di California.

GQ Covergirl a lesiona ambos pata frontal ayera riba e pista di entrenamiento. E cabay di 5 aña di edad a ricibi eutanasia bou conseho di e veterinario na e luga. Entrena pa e dos-biaha campeón di Kentucky Derby, Doug O'Neill, GQ Covergirl tabatin seis victoria den 16 cuminsamento di carera, y

ganashi di \$200,730. El a gana su ultimo dos cuminsamento y a caba 'in the money' den tur su seis carera e aña aki. O'Neill tambe tabata doño di e cabay den un parntership. E pista di training a causa e menor cantidad di breakdown. Sinembargo, tin tres morto riba dje desde cu e encuentro di herfst a cuminsa dia 27 di september ultimo, incluyendo un cual ta kere tabata un atake di curason. E otro dos fatalidad a tuma luga durante carera. Santa Anita ta anfitrión di e campeonato mundial Breeders' Cup proximo weekend.

Vettel di Ferrari lider den Grand Prix Mexicano



CIUDAD DE MEXICO (AP) — Dos-biaha campeón defensor di carera, Max Verstappen a keda suficientemente cerca pa mira pa un contra-golpi riba dia di carera cu Red Bull. Pero e campeonato di temporada di Lewis Hamilton cu Mercedes lo mester warda un siman mas.

Sebastian Vettel a logra e buelta di mas lihe den e sesion di practica ayera, mientras su Ferrari a bula den e pista stret cu altitud halto na Autodromo Hermanos Rodriguez. E Red Bull di Verstappen ta excepcional a traves di e biradanan mas lento di e pista – e sectornan cu Vettel a yama e partinan 'twisty' – y tabata apenas 0.115 seconde tras di Vettel y Charles Leclerc di Ferrari. Pero velocidad den skina por ta sin importancia den clasificacion y riba e dia di carera si e bentaha poderoso di Ferrari a traves di e miho passing zone di e pista ta demasiado pa e Honda di Red Bull sobrepasa. "E clasificacion di diasabra lo ta un evento di Ferrari", Ver-

stappen a bisa, bisando cu e team Italiano ta 'miyanan dilanti' den puro velocidad. "Mi no ta spera di bringa cu Ferrari pa e pole. Nan ta demasiado rapido", Verstappen a bisa. "No tin suficiente skina pa iguala e diferencia, pero nos ta parce di ta riba e mesun rango di velocidad



a largo plaso. Awo nos mester enfoca riba e carera unda nos velocidad ta muestra mas competitivo." Ferrari a tuma cinco posicion

pole consecutivo y tres victoria desde e break di berano cu un aumento di poder cual Verstappen a yama 'loco'. Pero Vettel no ta cla pa reclama un posicion di pole ainda. "Mi ta kere lo ta un carera hopi, hopi preta", Vettel a bisa. Vettel y Verstappen a cuminsa 1-2 na 2017 prome cu Verstappen a bay cu e victoria. Autonan di Red Bull a domina e pista na 2018 – for di practica te cu dia di carera – pa un di dos victoria consecutivo, pero Verstappen a

bay Mexico minimisando su chens pa un di tres. Red Bull no a reta pa un victoria den e ultimo cinco carera, un racha den cual Ferrari a gana tres tras di otro prome cu Mercedes a gana e ultimo dos na Rusia y Hapon. Hamilton a bay cu e victoria na Rusia y e lo por logra su di seis campeonato den su carera e weekend aki cu un bon carera. Pero e sesion ayera tardi a lag'e leu di e lidernan na di cinco puesto, un spot tras di su compañero di team, Valtteri Bottas.



Ganadonan di My Guardian Group Walk and Run Aruba a biaha pa Corsou

ORANJESTAD – Ayera mainta a biaha pa Corsou Jonathan Busby, kende a gana overall 6K masculino dia 9 di juni ultimo na My Guardian Group Walk and Run Aruba. Hunto cu Jonathan biaha tambe Alexander Hodge, kende a gana overall masculino den distancia 10K na e My Guardian Group Walk and Run Aruba y St. Maarten.

Alexander Hodge a gana su participacion na e My Guardian Group Walk and Run St. Maarten final di juni y ganando overall 10K un bes mas na St. Maarten, e la gana su participacion pa My Guardian Group Walk and Run Corsou. Si Alexander Hodge gana na Corsou, e ta e prome atleta di gana ariba tur isla unda Guardian Group tin un oficina y ta organisa Guardian Group su walk and run.

Nos ta sigur e Alexander lo duna tur cu tin pa gana e titulo maximo den careda di Guardian Group walk and run Corsou su di 36 edicion. Na Corsou tin total 5,000 participante cu ta cana of core. Di Aruba tin mas atleta cu ta biaha tur aña pa participa. Na Corsou e ruta ta pasa ariba Juliana Brug y termina na Parasasa Beach serca di WTC.

E ganadonan femenino pa 6K, Kirah Regales y 10K, Lana Gobert no ta participando na Corsou. Lana Gobert, mescos cu Alexander a gana e aña aki Aruba y tambe na St. Maarten como overall femenino 10K. Pero pa motibo di preparacion pa su careda na NY, e no por participa. Lana ta e ganado overall femenino di My Guardian Group Corsou 2018. Kira Regales a bay studia afo y p'esey e no por a logra combina su studio y participacion na Guardian Group su walk and run 2019. Guardian Group ta desea Kira Regales hopi exito den su estudio y na Lana tambe hopi exito na e Marathon di New York.

Jonathan Busby, despues di su experiencia internacional den atletismo, ta cla pa core 10K a pesar di tabata den preparacion continuo den e ultimo lunanan aki pa distancia 5K. Jonathan a priminti di haci lo miho posibel pa termina den un bon tempo. Alexander Hodge no por warda e dia yega. E ta semper cla y prepara pa ranca sali. Na nomber di Guardian Group Aruba nos a desea Jonathan Busby y Alexander Hodge y demas coredo nan di Aruba, tur exito pa gana e titulo maximo pa Aruba den nan categoria di edad y/o Overall.



RAIZ:

Nos naturalesa a haya poco rosea



ORANJESTAD – Movimiento RAIZ kier a felicita Minister di Desaroyo Teritorial, Infraestructura y Medio Ambiente y Parke

Nacional Aruba (PNA) cu e traspaso di e plan pa nos Parke Marino. Por medio di e plan aki e maneho apropiado por cuminsa pa loke

ta trata nos bida marino.

Alabes nos a tuma nota cu Minister Otmar Oduber a anuncia cu 12 di novem-

ber binidero, Gobierno lo traspasa tambe maneho di e 16 areanan di naturalesa, 'natuurgebieden', cu a wordo aproba unanimamente den parlamento pa wordo protegi y cu lo cay bou maneho di PNA.

E logro aki ta completa un lucha cu a wordo inicia door di Aruba Birdlife Conservation hunto cu sosten di nos pueblo na 2012. Riba 6 di februari 2013 parlamento a aproba e plan aki unanimamente. Un palabra di felicitacion y gratitud ta bay tambe na ABC Foundation pa nan colaboracion den dicho proceso.

Movimiento RAIZ ta sumamente satisfecho cu Oduber a demonstra di ta un partner den e lucha pa duna nos naturalesa e derecho cu e merece. RAIZ ta considera e acontecimiento aki como un paso den e bon direccion. Sinembargo, nos no mester perde for di

bista cu ainda falta pasonan concreto cu mester wordo tuma pa proteha nos naturalesa y medio ambiente. Awor cu e traspaso aki a tuma luga, vigilancia y maneho eficaz pa cu e regulacionan ambiental vigente mester drenta na vigor.

Desde inicio di nos Movimiento, naturalesa y medio ambiente tabata un punto di prioridad pa RAIZ. Establece e Derecho di Naturalesa, 'Rights of Nature' ta keda nos vision den e proximo gobernacion. Cada habitante di nos isla mester por referi na e derechonan aki den caso cu no cumpli cu nan of cu nan no wordo efectua debidamente. Ta absolutamente necesario pa proteha y maneha e derechonan aki pa asina nos naturalesa por haya su bos.

Nos kier gradici y reconoce e Minister encarga pa su curashi y determinacion.

Parlamentario Robert Candelaria (AVP):

'Aumento di costo di bida ta trece aumento den problemanan social'

ORANJESTAD – Diahuebs durante e conferencia di prensa di AVP a hiba palabra Parlamentario Robert Candelaria kende a elabora riba diferente tema. "Nos ta bibando den temponan dificil pa nos pueblo. Pueblo kier mira solucion pa su dolornan, y esaki ta e caso den hopi area di e bida diario. Trabou di e politico ta pa señala cosnan cu no ta bay bon y trece esaki na conocimiento di pueblo y di gobierno pero tambe pa yuda busca mehoracion.

Nos tin un gobierno cu no ta gusta scucha, ni di su mes hendenan, cu no por simpatisa cu dolor di pueblo, y esey tin nos caminda nos ta awor."

Candelaria a señala cu comunidad ta wordo confronta cu hopi dolor y un ehempel ta e forsa di compra ta bayendo atras rapidamente. Cifranan di CBS ta muestra cu entre december 2017 y augustus 2019 e forsa di compra di pueblo a cay drasticamente. E presupuesto cu 2 aña pasa tabata suficiente pa un cas cu 1 persona so of e presupuesto pa un cas di un famia di 4 persona a crece barbaramente. Pa e cas di 1 persona so, su presupuesto pa por so-

brevivi, a aumenta di december 2017 pa augustus di e aña aki cu Afl 300. Pa e famia di 4, e presupuesto aki a conoce un aumento ainda mas grandi di Afl 600 pa luna. Tur esaki a tuma luga den un tempo na unda no tabatin aumento di entrada. Ya hopi hende no por carga e aumentonan aki y 'nos a nota cu dialuna ultimo e pueblo di San Nicolas a cuminsa bati alarma cu nan no por sigui asina. No ta San Nicolas so, pero tur bario ta bisando nos e mesun cos'.

E perdida di e forsa di compra no ta bin sin mas, segun e Parlamentario. Y e ta bay combina cu otro retonan cu e pueblo ta pasando aden. "Hopi biaha e aumento di costo di bida, ta trece cune un aumento den problemanan social. Si un famia ta gana suficiente placa pa biba, e riesgo pa miembronan di e famia bay den mal caminda ta mas chikito. Ora cu bo no ta logra haya suficiente entrada, e escenario ta cambia y por tin como consecuencia un inclinacion pa criminalidad, negligencia di nos hobennan y otro problemanan social cu tambe ta aumenta."

Perdida di poder di compra tin consecuencia negativo pa sociedad. Y ehempelnan

di esaki por mira den enseñansa y tambe den husticia. "Tur ora cu mi papia cu hendenan den ramo di husticia y den enseñansa mi ta tende ehempelnan con nos profesionalnan ta wordo confronta cu casonan hopi dificil pa deal cune. E relacion entre problemanan social, familiar, financiero y hudicial ta bira cada dia mas bisto."

E ta un tema cu Candelaria ta bisa di a studia hopi durante campaña, a traha riba plan di prevencion di criminalidad. Su pensamiento ta cu combati criminalidad so, sin trece cambionan pa mehoracion door di inverti den prevencion, ta mescos cu carga awa hiba lama. Mescos cu den e area di husticia, e mesun principio di prevencion aki ta aplicabel den area social tambe. Mester traha dilanti di e problema pa evita cu e problema ta bira un realidad.

E ta haya cu criminalidad ta bay man den man cu prevencion di problema den e area social. Gobierno mester busca forma pa fortalece e forsa di compra di esunnan cu ta wordo afecta mas tanto den comunidad. Esey ta un di e miho formanan di prevencion pa comunidad actualmente. Na mes mo-

mento mester traha riba Prevencion di problema social riba mas frente pareu. Casi semper por nota cu ora negligencia e situacion den e area di forsa di compra y den e area social, e ta bira un problema pa husticia. Esey semper ta unda e problemanan ta culmina. Husticia mester deal cu e consecuencianan di e otro areanan cu no a funciona manera debe ser. E miho prevencion cu ta existi den e area

social ta famianan stabiel y un bon control social. Control social ta ora cada ciudadano tin bista riba esunnan rond di dje y ta yuda cuida otro. Ora un hende nota cu algo ta fuera di normal cerca esunnan rond di dje e ta haci algo pa yuda catch, cuida of guia esun cu e ta mira na peligro. Aki gobierno por hunga un rol importante pa informa y educa pueblo con pa realisa esaki.



Parlamentario Robert Candelaria (AVP):

‘Ta haci masha poco pa atende cu problemanan social’

ORANJESTAD – Robert Candelaria, Parlamentario di AVP, ta hopi preocupado con e caida den e poder di compra ta afectando Aruba riba diferente terreno. E ta manera un circulo vicioso cu ta bay direccion entre otro di problemanan social.

“Semper mi ta bisa cu nos mester bay bek na e raiz. Hopi biaha nos ta papia cu nos kier bay bek na e Aruba di antes. Mi ta corda cu mi wela cu tabata biba aki den Playa tabata laga su auto habri cu yabi y tas den auto. Anochi prome cu e bay drumi e ta bay saca nan for di auto y lock e. Cas ta keda habri henter dia. Hecho ta cu e Aruba ey ya no t’ey mas. Pero loke tabata existi antes y cu tabata e fundeshi di un sociedad mas sigur, si nos por traha riba dje pa dun’e un luga central bek. Mi ta papia aki di e nucleo

familiar. Esey tabata e pilar di nos comunidad,” Candelaria a expresa cu hopi nostalgia.

Su filosofia ta cu un famia stabiel ta e base pa un bario stabiel; un bario stabiel ta e base pa un distrito stabiel y un distrito stabiel na su turno ta e base pa un pais stabiel. “Esaki tabata un potret di nos comunidad no mucho tempo pasa. Nos mester traha pa haya e fundeshi aki bek.” Den politica y den comunidad tin hopi discusion riba e situacion social pero tin masha poco cosnan concreto tumando luga pa deal cu esaki. Politiconan no t’ey pa señalá e problemanan so, pero tambe pa contribui na yega na posibel solucion. Esaki ta encera tambe pa continua politicamente cu loke ta correcto. “Ora bo hereda algo, pa mi uza un palabra hopi popular pa e gobierno aki, y loke bo a hereda ta bon, mester

sigui cune, of mehora esaki na bo gusto y segun bo vision. Pero no stop’e, pasobra e no ta di bo gobierno. Mi a yega di duna algun ehempel di proyectonan asina di Gabinete Mike Eman I y II.” Esakinan ta algun ehempel di hopi mas proyectonan cu por sigui traha riba nan, of adaptanan segun bo vision.”

Kluster 4 cu ta yuda hobennan cu mester di esaki cu nan educacion; Centro Ortopedagogico; E trayecto di sociale vorming hunto cu e militarnan pa train hobennan y duna nan disciplina y yuda nan den nan oportunidad pa futuro; A subi onderstand cu 25%; A aumenta kinderschooltoeslag pa famia cu ta den onderstand cu Afl 250 adicional pa gastonan di scol; Nos Atardi ta un trayecto cu ta brinda hobennan di scol secundario yudansa y guia cu nan lesnan;

A introduci pensioen general pa tur hende.

Di e forma ey, Gobernacion di AVP no a solamente papia di tin e ser humano central, pero a traha pa demostra esaki cu hechonan den gobernacion.

E Parlamentario a propone pa na un manera efectivo pa yuda preveni retonan social ta pa inverti den nos hendenan, pasobra ta e hende mester wordo ekipa y prepara pa yuda su prohimo. “Mi no ta referi na friends and family, pero na hende bon prepara y motiva pa yuda su comunidad. Gobierno mester yuda stimula esaki. Nos mester di coach y mentor den nos comunidad. Hendenan cu ta haya support pa yuda otro sali di nan situacion dificil, pa cambia di nan caminda pa maldad y scoge un bida productivo pa sociedad. Mester stimula fundacionnan cu ta traha na bienestar di famia y

di e individuo hunto cu iglesianan pa uni forsa pa yuda nos comunidad cambia e direccion cu e ta bayendo y mehora pa e siguiente generacion. Tin ora mester haci escogencianan impopular awor, pa piki e frutanan di un miho sociedad mañan.”

Tur hende cu ta traha cu hende mester wordo splica cu nan por contribui cu nan granito pa un miho Aruba, manera e trahado social; juf-frouw di scol; polis; lider spiritual; esunnan den prensa y esunnan den comercio. Tur mester wordo stimula y ekipa con por yuda fortalece nos prohimo pa ta un miho ciudadano. “Esun cu mester cana dilanti den esaki ta gobierno. Si nos traha di e forma aki, nos no ta yuda algun so y laga otro na caya. No, asina nos ta yuda Aruba henter. Esey mester ta e reto di cada gobierno.”

Parlamentario Marlon Sneek (AVP):

Minister Oduber tin contract firma pa saneamento di Parkietenbos caba?

ORANJESTAD – Fraccion di AVP a manda pidi copia di dos contract cu Minister Otmar Oduber a bisa durante di reunion pa tratamiento di ley di Serlimar, a firma cu dos compania pa loke ta trata manejo di desperdicio.

Lider di fraccion di AVP, sr Marlon Sneek, a muestra cu su fraccion a manda pidi copia di e dos contractnan cu Minister Oduber a papia di dje den prome tanda, caminda e minister ‘tussen de lippen’ a bisa cu lo tin un contract firma caba pa loke ta saneamento di dump di Parkietenbos y cu lo tin otro contract firma caba pa loke ta trata e ‘sanitary landfill.’

“Si e contractnan aki ta firma caba, nan tin cu wordo ehecuta y den e caso ey, Parkietenbos por wordo cera y no mester di e ley cu tin na Parlamento pa atende cu e situacion aki y si no ta asina, e minister aki ta mal informa Parlamento.

En todo caso nos fraccion a manda pidi e Minister pa e manda nos copia di e contractnan aki, pasobra tur biaha cu e Minister aki a bin den Parlamento den comision, caminda el a papia di e proceso di RFI, di su proceso pa

yega na un incinerator. Niun dia so el a papia di su proceso di bidding, kico tin cu haci pa bo por ta e ganado di uno: e ‘sanitary landfill nobo,’ dos: pa rehabilita e Parkietenbos cu nos tin awe.

Nos kier sa con e procesonan aki a bay y nos ta spera cu e Minister por manda nos tambe e contractnan cu a wordo firma cu esunnan cu a gana e bidding pa pueblo por haya sa kico esaki ta bay costa nos comunidad den su totalidad.

Un di e criticanan cu Raad van Advies tabatin, ta cu nan no ta mira un plan integral, ya cu minister ta bezig cu yen di cos los los, pida pida y pa kico mi no sa y pa tal motibo nos a manda pidi e documentonan aki pa asina nos por tin e informacionnan concerni.

Na mes momento nos por a tuma nota cu Oduber ta bisa cu no ta berdad cu riba Cero Tijshi tin holo stinki, pero nos a sinta cu parti di e comision di Parkietenbos y e comision aki a confirma na nos, cu e holo ta insoportabel.

Pa colmo e mesun Minister aki a confirma na Parlamento cu e contract cu a wordo firma pa pone liners y pa pone e pipanan pa haci flaring, no a wordo instala, pues tin un

contract firma for di luna di mei di 2018, pa pone liners y pipanan pa flaring pa kima gas cu ta sali for di e sushi, esakinan no a wordo instala. Tambe nos a haci pregunta si a paga y ken a cobra y pakico e cosnan aki no a wordo instala y awe nos ta tende cu e ta bay costa hopi mas pa por remedia e situacion cu tin, caminda tabatin un contract.

Un hende mester a cobra ya cu den e contract ta poni cu mester paga 50% adelanta for di luna di mei di 2018 el a wordo firma, kiermen mi ta imagina cu e persona aki a cobra su placa pero awor nos ta mira cu ni e liners y ni a tubonan pa haci e parti di flaring, no a wordo haci y ni poni.

Nos por a scucha Oduber tambe papia den parlamento cu e ley di Serlimar no tin nada di haber cu incinerator pero shonnan, as we speak e minister ta bezig cu ‘limited tendering.’

El a manda yama 11 grupo y e grupo aki ta dunando nan oferta pa fin di luna y si mi no ta ekiboca e ganado mester ta conoci caba.

P’esey e ley di Serlimar ta na Parlamento, pa bay cobra sector priva, pa bay cobra turista,

pa bay cobra esunnan cu tin otro compania di sushi cu ta busca nan sushi un suma adicional di 120 florin extra pa aña.

Tur esaki pa haya placa pa por paga e incinerator aki y ta di lamenta cu Minister no ta sincero y bisa comunidad realmente kico ta locual su persona ta haciendo.

Pa nos sigur ta di lamenta cu cada biaha e minister ta trata di hustifica e edificio cu el a huur for di su sponsor na Pos Chikito, ya cu trahamento di mueble cu palet ta conoci masha tempo caba aki na Aruba, por bisa 100 aña pasa caba.

Awe diripiente mester a bin un luga na Pos Chikito cu ta

costa e pueblo aki pa e parti di Serlimar so, sin hinca e parti cu mester paga pa City Inspector, caminda e parti di Serlimar ta costa 50 mil florin pa luna.

Tur esaki pa un sponsor di e Oduber, caminda Serlimar nunca tabatin mester di paga huur ya cu e tabatin su propio edificio y e unico novedad cu tin na e edificio di 50mil aki, ta cu nan a cuminsa traha mueble di palet.

Awor hasta bishita di algun scol na e seccion di Serlimar aki, ta motibo cu e Oduber ta haya cu ta bon pa pueblo paga 50 mil florin pa luna na sponsor di su partido,” Sneek a declara.



Trekingslijst van de Landsloterij

19de Trekking																											24 oktober 2019					
REN	1793	125	DUIZEND	6325	150	8193	125	10233	150	12395	150	14864	150	16811	150	18965	100	21047	150	23136	150	25219	150	27493	200	29721	150	32065	100	34033	1000	
REDEEN	1809	150		6329	150	8197	150	10248	150	12411	150	14865	100	16844	150	18969	125	21065	150	23158	150	25252	150	27511	150	29723	150	32080	150	34035	150	
	1811	150	4010	150	6337	150	8211	150	10265	150	12430	150	14877	150	16865	100	18997	150	21076	150	23165	100	25252	150	27521	150	29744	150	32093	125	34047	150
	1827	150	4011	250	6348	150	8265	150	10290	150	12431	150	14889	150	16879	150			21085	150	23184	150	25281	150	27535	150	29765	100	32111	150	34065	100
1	1854	150	4047	150	6365	100	8277	150	10293	125	12439	150	14893	125	16893	125	NEGENTIEN		21090	150	23193	125	25284	150	27559	150	29783	150	32140	150	34081	150
6	1860	150	4065	100	6366	150	8279	150	10294	150	12448	150	14911	150	16894	150	DUIZEND		21093	125	23211	150	25293	125	27565	100	29793	125	32158	150	34093	125
	1865	100	4093	125	6379	150	8293	125	10311	150	12451	150	14923	150	16905	150			21109	150	23226	150	25311	150	27593	125	29811	150	32165	100	34111	150
	1881	150	4111	150	6393	125	8297	150	10343	150	12465	100	14958	150	16911	150	19011	250	21111	150	23234	150	25342	150	27603	150	29865	100	32192	150	34122	150
TALLEN	1892	150	4165	100	6411	150	8311	150	10365	100	12493	200	14965	100	16912	150	19044	150	21165	100	23265	150	25365	100	27611	150	29882	150	32193	125	34134	150
	1893	125	4193	125	6453	150	8365	100	10381	150	12511	150	14993	125	16917	150	19061	150	21181	150	23265	150	25393	125	27628	150	29883	150	32211	150	34163	150
	1911	150	4211	150	6455	150	8393	125	10393	125	12511	150			16949	150	19065	100	21193	125	23281	150	25411	150	27665	100	29893	125	32212	150	34165	100
35	1921	1000	4225	150	6465	100	8398	150	10394	150	12542	150	14993	125	16965	100	19071	150	21211	150	23293	125	25465	100	27687	150	29899	150	32227	150	34169	150
42	1934	150	4228	150	6483	150	8411	150	10407	150	12544	500	DUIZEND		16967	150	19090	150	21217	150	23294	150	25493	200	27693	125	29911	150	32230	150	34184	150
45	1945	150	4265	150	6493	200	8465	100	10411	150	12565	100			16982	150	19093	125	21265	150	23301	150	25495	150	27697	150	29936	150	32265	150	34193	125
65	1946	150	4268	150	6495	150	8493	200	10440	150	12575	150	15011	250	16993	125	19111	150	21293	125	23311	150	25511	150	27709	150	29965	100	32293	125	34211	150
93	1945	100	4275	150	6511	150	8511	150	10459	150	12593	125	15065	100			19139	150	21311	150	23365	100	25521	150	27711	150	29985	150	32311	150	34212	150
	1993	125	4293	125	6534	150	8531	150	10465	100	12611	150	15069	150	ZEVENTIEN		19165	100	21318	150	23393	125	25537	150	27765	100	29986	150	32348	150	34257	150
HONDERD	1999	150	4311	150	6540	150	8555	150	10493	200	12611	150	15086	150	DUIZEND		19193	125	21340	150	23411	150	25565	100	27784	150	29993	125	32365	100	34265	150
TALLEN			4317	150	6542	150	8558	150	10511	150	12622	150	15093	125			19211	150	21365	100	23420	150	25593	125	27793	125			32368	150	34292	150
			4319	150	6565	100	8565	100	10565	100	12665	100	15111	250	17011	250	19244	150	21378	150	23465	100	25607	150	27793	150	DERGTIG		32393	125	34293	125
109	150	DUIZEND	4320	150	6592	150	8587	150	10569	150	12686	150	15114	150	17061	500	19252	150	21393	125	23482	150	25611	150	27811	150	DUIZEND		32411	150	34311	150
111	150		4325	150	6593	125	8593	125	10577	150	12693	125	15157	150	17065	100	19257	150	21410	150	23493	375	25652	150	27857	150			32414	150	34325	150
130	150	2011	250	4355	150	6610	150	8611	150	10593	125	12711	150	17065	150	19260	150	21411	150	23511	150	25662	150	27865	100	30011	250	32456	150	34335	150	
140	150	2034	150	4364	150	6611	150	8622	150	10611	150	12747	150	17093	125	19265	150	21421	150	23523	150	25665	100	27890	150	30055	150	32458	150	34365	100	
150	150	2048		4365	100	6633	150	8632	150	10656	150	12765	100	17111	150	19270	150	21449	150	23541	150	25671	150	27893	125	30065	100	32465	100	34393	125	
165	100	2065	100	4393	125	6636	150	8655	150	10665	100	12775	150	17129	150	19293	125	21462	150	23564	1000	25689	150	27894	150	30093	125	32480	150	34411	150	
167	150	2093	125	4411	150	6644	150	8663	150	10693	125	12793	125	17191	150	19297	150	21465	100	23565	100	25693	125	27900	150	30111	150	32490	150	34414	150	
181	150	2108	150	4431	150	6659	150	8665	100	10702	150	12794	150	17193	125	19311	150	21472	150	23581	150	25711	150	27911	150	30136	150	32493	200	34447	150	
193	125	2111	150	4465	100	6665	100	8672	500	10711	150	12811	150	17211	150	19335	500	21477	150	23583	150	25718	150	27965	100	30165	100	32501	150	34465	100	
211	150	2137	150	4493	200	6686	150	8679	150	10765	100	12865	100	17214	150	19345	150	21493	200	23585	150	25745	150	27982	150	30193	125	32508	150	34493	200	
222	150	2165	100	4511	150	6690	150	8679	150	10793	125	12890	150	17245	150	19347	150	21511	150	23588	150	25765	100	27993	125	30211	150	32511	150	34493	150	
226	150	2193	125	4521	150	6693	125	8688	150	10811	150	12893	125	17247	150	19362	150	21515	150	23593	125	25773	150	27999	150	30236	150	32526	150	34511	150	
260	150																															

Iglesia Piedra Plat ta presenta:

Evento Cultural Evangelistico na Plaza Turismo

ORANJESTAD – Mañan, diadomingo dia 27 di october lo tin evento special na Plaza Turismo (linear park) cuminsando 7:30pm. Artistanan invita lo ta Shannon Bueno, Luigi Cortes, Danza IPP, Banda CHA-IPP.

Y for di Valledupar, Colombia, pastoor Mauricio (Mao) Rocha y su señora Indira. Ps. Mao ta hopi conoci na Colombia y Latino-America pa su devocional 'A Puerta Cerrada' y tambe pa Iglesia Virtual cu un alcance di mas di 40.000 hende den diferente continente. E evento aki lo bay via Live Stream for di Plaza Turismo Aruba. Pueblo di Aruba ta keda invita.



Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Cado Wever.

Cu dolor na nos curason, nos ta anuncia fayecimento di nos ser keri:



Sr. Benancio Obispo Angela
Mihor conoci como Shon Naka
of Mo Naka
***09-11-1932 - 24-10-2019**

Acto di entierro lo wordo anuncia despues

FOR ALL YOUR FLYER DISTRIBUTIONS



Call: 582-7800
email: accounting@cspnv.com



Van Rensselaerstraat 2
Tel. 584-2299 - 7372299
Family owned and operated
Since 1997

**Señor ta mi wardador,
mi n tin falta di nada;
Den cunucu di yerba berde,
E ta ponemi sosega.
E ta hibami na awa tranquil,
pa mi bolbe hanja forsa. Salmo 23:1,2,3.**

Cu inmenso dolor na nos curason, nos ta anuncia fayecimento di:



Edgar Norberto Holsman
Cariñosamente yama: Eddie
*** 05-06-1950 † 23-10-2019**

Na nomber di su:

Yiu: Angelle Holsman

Nietonan

Ruman: Eric y casa Elena Holsman y yiu Angela Gomez y famia

Sobrinonan: Byron y Rishinel Holsman

Primo y primanan demas famia Zieck na Curacao, Moonchi Rock y famia na Curacao

Amiga (o) di cas: Tina y Mack Welerman y famia

Jize-R Angela

Fiel Amigo: Benchie di La Moderna

Bisiñanan: Elvis y Gladys Angela y famia
Claudia Isaza-Geerman y famia
Joanne Diaz y famia
Diana y famia
Mimi y famia

Si en caso den nos tristeza nos por a lubida algún persona of famia, nos ta pidi nos mas sincero disculpa.

Acto di despedida ta tuma lugar Dialuna 28 oktober 2019 pa 4or di atardi na Ad Patres Funeral Home. Nos defunto stima lo ta reposa for di 2or di atardi na Ad Patres. Cremashon lo tuma lugar den ceno familiar.



Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza
Cado Wever

Cu inmenso tristeza pero conforme cu Dios su
boluntad, nos ta anuncia fayecimento di mi
casa, tata, welo y bisawelo stima:



Sr. Agrepino Maduro
mihor conoci como **Capito**
*23- 06-1930 - 23-10-2019

Na number di su:

Casa: Ebia Maduro-Croes

Yiunan: Roberto Maduro

Lucia y Ronald Maduro-Maduro

Nietanan stima:

Lucienne Maduro y Carlton Ho-Sing-Loy

Ameline y Samir Zambrano-Maduro

Lusheska Maduro

Bisanieto(a)nan stima:

Luanny, Mason y Liam

Rumannan:

Martina y Luis Maduro y yiunan

Silvio Maduro

Efraim Maduro y yiu

Ale Maduro

Benito y Chichi Maduro-Croes y yiunan

Cecilia y Poy Gomez y yiunan

Cuñanan:

Sixto y Maxima Croes-Maduro y yiunan

Aura y Eti Vrolijk-Croes y yiunan

Pedro y Myrna Croes-Maduro

Consuegro:

Fritz y Doris Maduro-Croes y yiunan

Famia:

Rafael y Sandra Zambrano y famia

Fifi y Carla Ho-Sing-Loy y famia

Mabel Duque Jordan

**Sobrino(a)nan, primo(a)nan, comer y
compernan, ihanan, amigo(a)nan, tur su bon
bisiñanan y amistadnan, su ex-coleganan di
LAGO.**

Demas Famia: Maduro, Croes, Vrolijk,
Zambrano, Ho-Sing-Loy, Gonzalez, Thiel,
Werleman, Frenellin, van der Biest, Flanegin,
Wever, Rasmijn, Lampe, Lopez, Geerman,
Wernet, Mejia, Wong, Gomez, Rosel, Duque
Jordan, Teran.

**Condolencia y acto di entierro ta tuma lugar
dialuna 28 oktober 2019. Nos defunto stima
lo ta reposa for di 11or di mainta na cas
Macuarima 7-B y despues saliendo pa Misa
Inmaculada Concepcion na Santa Cruz for di
2or pa 4or di atardi. Despues lo sali pa
Santana Catolico na Sta Cruz.**

Si encaso den nos tristeza nos por a lubida
algun persona of famia, nos ta pidi nos mas
sincero disculpa.



**Bendicion y bondad di Señor ta
compañami tur dia di mi bida, lo mi biba
den cas di Señor henter mi bida largo**

A fayece cristianamente:



**Sra. Vda. Dora M. Gomez-
Hidalgo**
Mihor conoci como **Mama Dora**
*20-08-1929 - 17-10-2019

Na number di su:

Esposo: Leo Maria Gomez

Yiunan: Marlin & Johan Kokx-Gomez na

Hulanda

Sonia Gomez

Astrid Gomez na Hulanda

Marylis Gomez

Nieto(a)nan: Gregory (Gogy) Kock

Frederick (Ricky) Engelhart

Natasha & Rendel Petrona-Engelhart

Juny Engelhart

Amadee & Peter Haslinghuis-Yarzagaray na

Hulanda

Chary Gomez

Franklin (Franky) Paula y Gina Eckmeyer

Earlyne (Lynn) Paula

Bisanieto(a)nan: Alysha Engelhart

Azaliyah Boekhoudt

Jadon David Petrona

Gabriël Haslinghuis

Rumannan: Pedro Hidalgo y sra. vda. Seferina

Hidalgo-Tromp

Victor Hidalgo y sra. vda. Imelda Hidalgo-Dania

Hyacinta Hidalgo

Oscar Hidalgo y sra. vda. Francisca Hidalgo-

Tromp

Sobrino(a)nan

Ihanan

Primo y prima: Jorge Irausquin y Carmen

Irausquin

Manera yiu: Salvatore Barone y Franklin (Ricky)

Paula

Comer- y compernan, bisiñanan y conocirnan

Famianan na Venezuela y Hulanda.

Demas famia: Hidalgo, Gomez, Tromp, Dania,

Kokx, Paula, Engelhart, Kock, Yarzagaray,

Haslinghuis, Eckmeyer, Petrona, Boekhoudt,

Sam-Sin, Kelly, Briesen, Figaroa, Maduro,

Haynes, Barone, Ridderstap, Irausquin, Damian

Ta invita pa acto di entierro cual lo tuma

lugar diasabra 26 di oktober 2019 for di 2or

di atardi e restonan mortal di nos defunto

stima lo ta reposa den Misa Birgen di Fatima

na Dakota. Despues lo sali pa Santana

Catolico na Noord.

Condolencia lo tuma lugar na Aurora Funeral

Home diabierna 25 di oktober di 7or pa 9or

di anochi.

Despues di entierro nos no ta ricibi bishita di

condolencia na cas. Nos disculpa si den nos

tristesna nos por a lubida algun famia of

conocer.



Señor ta mi wardador, mi tin falta di nada
Den cunucu di yerba berde e ta ponemi
sosega.

E ta hibami na awa trankil,

Pa mi bolbe haña forza

Salmo: 23

Cu inmenso tristeza pero conforme cu
boluntad di Dios nos ta anuncia fayecimento
di mi casa, nos mama, nos wela y ruman



Margaretha Sofia Muyale-Steenen
Mihor conoci como: **Rica**
*29-07-1933 - 25-10-2019

Na number di:

Su casa stima: Wagib E. (Buchi) Muyale

Su yiunan: Suyen y Donald Pieters-Muyale

Raquel Muyale y Paul Sneek

Wagib Elias Muyale Jr.

Johnny Castro

Su nietonan: Wagib Thiel y Joanne

Eva Thiel y Jose

Rocky Donker y Emy

Lindsey y Grace Castro

Su rumannan: Elva y Nadi de Cuba-Steenen

Magda Steenen

Mario Steenen

Ivonne y Hans Wiersma-Steenen

Evelina Raven-Arends y famia

Ulrica Arends y famia

Jane Raven-Arends y famia

Griselda y Rients van Amerongen-Arends y famia

Ethlyne Arends y famia

Mario y Giselle Arends-Wever y famia

Su sobrinonan: Zelda Steenen, Thalia

Croes-Wiersma,

Randolph Wiersma,

Marc Steenen,

Maghalia Steenen,

Clifford Richardson y

Kassy y Enoch Steenen

Swa y cuñanan: Maikel y Carmen Muyale

Chicha Arends-Muyale

Jossito y Milly Muyale

Nibia y Jaime Kelly-Muyale

Maria Gei

Su ayudantenan: Cecilia Howell, Angela

Narvaez y Belinda Saurith

Demas famia: Muyale, Steenen, Pieters, Thiel y

Donker

Oportunidad pa condolencia: Aurora Funeral

Home, dialuna 28 di oktober di 7or pa 9or di

anochi.

Ta invita pa e acto di entierro cu lo tuma lugar

diamars 29 di oktober 2019 di 2or pa 4or di

atardi na Aurora Funeral Home, despues saliendo

pa Santana catolico na Playa.

Nos disculpa nos no por ricibi bishita di

condolencia na cas prome ni despues di entierro



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 25 Oct 2019 Anochi

CATACHI
Sorteo # 6919
3928
9644
3294
BIG 4
Sorteo # 5963
5409
1OFF
Sorteo # 668
2023
ZODIAC
Sorteo # 4722
0628
Tauro
KORSOU
Sorteo # 2565
7533
6366
3841

LOTTO 5	
Sorteo #	Joker Letter
0x Jackpot	
0x Match 4+	
0x Match 4	
0x Afl. 12,00	540.000,-

LOTTO DI DIA	07-14-18-20-27
Sorteo # 4925	Proximo Jackpot
0x Jackpot	
3x Match 4	51.000,-
116x Afl. 8,00	

MINI MEGA	04-07-26-30
Sorteo # 1206	Mega Ball 09
0x Jackpot	
3x match 4	
8x Afl. 500,00	
83x Afl. 50,00	450.000,-
115x Afl. 15,00	

MINI MEGA PLUS	Afl. 620.000,-
-----------------------	-----------------------



Bo cadena di number di suerte
ta presenta resultado di awo

DIARIO 0643-6566-4798

SUPER 4 1840

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 25 Oct 2019 Merdia

CATACHI
Sorteo # 2723
2613
0346
0310
BIG 4
Sorteo # 2723
2948
1OFF
Sorteo # 779
3422
ZODIAC
Sorteo # 2723
2342
Virgo

LOTTO 5	
Sorteo #	Joker Letter
0x Jackpot	
0x Match 4+	
0x Match 4	
0x Afl. 12,00	540.000,-

LOTTO DI DIA	Proximo Jackpot
Sorteo #	
0x Jackpot	
0x Match 4	50.000,-
0x Afl. 8,00	

MINI MEGA	Mega Ball
Sorteo #	
0x Jackpot	
0x match 4	
0x Afl. 500,00	
0x Afl. 50,00	425.000,-
0x Afl. 15,00	

MINI MEGA	Afl. 585.000,-
------------------	-----------------------



Aries

Tabata tin candela den un relacion cu bo a pensa di tabata lubida y awo bo no tin pareha? Reflexiona. Bo numbernan di suerte ta 21, 26, 34 y 40.



Tauro

No laga e bienes di e boluntad aheno hiba bo. Disfruta di loke bo tin, no permiti cu otro bira doño di loke ya caba ta pertenece na bo y lo bo logra exito den tur cos. Bo numbernan di suerte ta 20, 25, 33 y 39.



Geminis

No ta e momento di argumenta ni discuti sino simplemente di scucha y purba di compronde miho e puntonan di bista aheno. Di e manera ey bo lo fortalece un relacion. Bo numbernan di suerte ta 19, 24, 32 y 38.



Cancer

Bo lasonan di sentimento ta fortalece. Huy cu e persona cu bo ta stima y disfruta di bo intimidad awo cu e Luna, bo dirigente, ta transmiti pa un signo di candela. Bo numbernan di suerte ta 18, 23, 31 y 37.



Leo

Lo bo tin contacto cu personanan alegre entre cual por surgi un amistad futuro cu hopi posibel amor, si na e momentonan aki bo no tin un relacion. Bo numbernan di suerte ta 17, 22, 30 y 36.



Virgo

Ta posibel cu den cierto encuentro casual, social, lo cuminsa defini un relacion sentimental hopi stabiel. Actua spontaneamente pero na mesun momento cu tactica social. Bo numbernan di suerte ta 16, 21, 29 y 35.



Libra

No bay tras di rumornan sino actua dicio pa resolve bo asuntonan pa bo mes. Bo lo resolve den forma excelente y algo cu pa otro ta imposibel di soluciona. Bo numbernan di suerte ta 15, 20, 28 y 34.



Scorpio

Bo ta preocupa pa algo cu cuestion familiar y economico, pero e bon noticia ta cu den e periodo di hacimento di aña cu bo ta bibando dia tras dia lo trece cun'e un sorpresa, e potencial di soluciona problemanan te cu awo tin bo preocupa. Bo numbernan di suerte ta 14, 19, 27 y 33.



Sagitario

Ta sosode un situacion lo pone bo reflexiona riba algun cos. Bo por demostra ampliamente bo bon sentimentonan cu un gesto lief no spera. Bo numbernan di suerte ta 13, 18, 26 y 32.



Capricornio

Contra cu uno mes ta responsabel cu loke e ta haci. No warda pa bo ta feliz. Tin algun persona debi na nan naturalesa y personalidad ta purba di impone nan punto di bista na otro. Bo numbernan di suerte ta 12, 17, 25 y 31.



Aquario

Bo bida ta transforma y orienta den un tono creativo. Actua cu naturalidad den tur momento y no laga bo wordo hiba pa emocionnan aunke surgi algo cu no ta agradabel di tur cos. Bo number di suerte ta 23, 28, 36 y 44.



Pisces

E vibracionnan cosmico ta birando bo signo y ta yuda bo compronde miho e motivacion aheno y ta pone bo na luga di esun cu ta stima bo. Bo numbernan di suerte ta 22, 27, 35 y 43.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Hende

Muhe den Dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

Dokter na warda



Oranjestad

Hospital
7:00 pm / 10:00 pm

San Nicolas

Dr. Ramautar
Imsan

Botica na warda

Oranjestad:

Oduber
Tel. 582 1780

San Nicolas:

San Lucas
Tel. 584 5119

Servicio di Taxi

Aruba Transfer Tour & Taxi C.A.

Pos Abao #41
P.O. Box 723 Aruba
Tel: 582 2116 / 582 2010
Fax: 583 6988

Taxi Adres Services (24h)

L.G. Smith Blvd. #234
Oranjestad Aruba
Tel. 587 5900
Fax: 587 1928
E-mail: tas@setarnet.aw



A1 Taxi Services Aruba

Moko 56 T
Tel: 587-8850
Tel: 280-2828
Whatsapp: 592-7024
E-mail: a1taxiservices.aruba@hotmail.com

Schedule October 2019

			ARR	DEPT	BERTH
SUN	20	FREEWINDS - DEPT.	****	23.15	E
TUE	22	FREEDOM OF THE SEAS	07.00	21.00	C
WED	23	MONARCH	06.30	15.30	B
		NORWEGIAN DAWN	10.00	19.00	C
		ZUIDERDAM	13.00	23.00	I
		FREEWINDS	06.00	****	E
THU	24	CARNIVAL HORIZON	07.00	16.00	B
		NORWEGIAN JOY	08.00	20.00	C
SUN	27	FREEWINDS - DEPT.	****	23.15	E
MON	28	PACIFIC EDEN	08.00	16.00	C
TUE	29	CELEBRITY SUMMIT	08.00	17.00	C
WED	30	MONARCH	06.30	15:30	C
		FREEWINDS	06.00	****	E

EMERGENCIA

911

POLIS	
Oranjestad	100
San Nicolas	104
Santa Cruz	105
Noord	
107	
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	
913	
Seguridad Nacional	
11911	
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	
588-7364	
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	
583-8560	

UTILIDAD

Setar	117
Web	525-4600
Elmar	523-7147

Centrale Bank van Aruba Daily Exchange Rates - 10/25/2019



CENTRALE BANK VAN ARUBA

Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.34	1.36	1.38
CHF	179.35	180.07	180.87
GBP	2.21	2.26	2.32
JPY	162.58	164.06	165.71
EUR	196.08	197.87	199.86
DKK	25.50	26.22	27.02
NOK	18.40	19.12	19.92
SEK	17.38	18.10	18.90

For amounts up to Afl. 100,000



Conferencia gratis tocante Stemcell

ORANJESTAD – Specialista di stemcell, Dr Carlos Guerrero Silva lo tene un anochi na Holiday Inn Resort pa esunnan interesa den haya sa mas tocante e cantidad di posibilidad cu terapia di stemcell.

E dokter, kende tin un clinica na Bogota, Colombia, lo splica kico un tratamiento por haci pa alivia dolor y pa duna

pashentnan cu ta sufriendo un oportunidad di biba miho. Especialmente persona cu ta sufri efectonan di artritis, arthritis of malesa auto-inmune por beneficia di terapia di stemcell.

E encuentro (na Ingles y Spaño) lo tuma luga den ballroom di Holiday Inn Resort dialuna dia 28 di november proximo.

Guerrero Silva lo ta asisti pa dokter local Stephen Howell, kende ta traha na e clinica di stemcell na Bogota. Howell lo por splica e proceso tanto na Hulandes como Papiamentu. Un sesion di pregunta lo conclui e encuentro, cual lo tuma luga di 7pm pa 9pm.

Entrada ta gratis.

Wega na Domino Square Garden

ORANJESTAD – Shonnan diasabra awo na e mundialmente conoci Domino Square Garden na Calabas, esta 99 Bar & Restaurant, ta bay tin un sambombaso di wega!

Awe, diasabra dia 26 di october, cuminsando pa 8or di

anochi, e terror den domino, e team cu tin hopi otro ekipo ta haya mal soño estilo Halloween, nada menos cu Team Biba Lekker, lo enfrenta nada menos cu e barancanan cora di Team Red Stone!

Biba Lekker e aña aki ta the team to beat! Red Stone por

ta e team cu porfin lo pasa e sugar tax pa e lekkerbeknan di Biba Lekker?

Wega shonnan, yega awe nochi pa 8or na 99 Bar & Restaurant na Calabas/Kudawecha!



50 Caribbean Cinemas
Años. Years. Années.
MORE VARIETY IN PROGRAMMING AND SHOWTIMES NOW WITH 14 SCREENS!

OCTOBER 25-30

TURANDOT
PBP SATURDAY, OCTOBER 26, 1:00PM

BLACK AND BLUE
NAOMIE HARRIS | TYRESE GIBSON
WITH SPANISH SUBTITLES
PH MON-THU 6:00 | 8:30
FRI 6:00 | 8:30 | 11:00
SAT 3:30 | 6:00 | 8:30 | 11:00
SUN 3:30 | 6:00 | 8:30
PBP MON-FRI 4:40 | 7:05 | 9:30
SAT-SUN 2:15 | 4:40 | 7:05 | 9:30

COUNTDOWN
ELIZABETH LAILE | ANNE WINTERS
PH MON-THU 6:35 | 8:40
FRI 6:35 | 8:40 | 10:45
SAT 2:25 | 4:30 | 6:35 | 8:40 | 10:45
SUN 2:25 | 4:30 | 6:35 | 8:40

NOTHING TO LOSE 2
PETRÔNIO GONTUJO | DAY MESQUITA
WITH SPANISH SUBTITLES
PBP MON-THU 4:40 | 6:55 | 9:10
FRI 4:40 | 6:55 | 9:10 | 11:25
SAT 2:25 | 4:40 | 6:55 | 9:10 | 11:25
SUN 2:25 | 4:40 | 6:55 | 9:10

MALEFICENT: MISTRESS OF EVIL
ANGELINA JOLIE | ELLE FANNING
WITH SPANISH SUBTITLES PG
PH MON-FRI 6:00 | 8:40
SAT-SUN 3:20 | 6:00 | 8:40
CXC MON-THU 5:15 | 7:50
FRI 5:15 | 7:50 | 10:25
SAT 2:40 | 5:15 | 7:50 | 10:25
SUN 2:40 | 5:15 | 7:50
PBP MON-FRI 4:00 | 6:35 | 9:00
SAT-SUN 1:25 | 4:00 | 6:35 | 9:00

ADDAMS FAMILY
OSCAR ISAAC | CHARLIZE THERON
WITH SPANISH SUBTITLES PG
PH MON-THU 6:05 | 8:10
FRI 6:05 | 8:10 | 10:15
SAT 1:55 | 4:00 | 6:05 | 8:10 | 10:15
SUN 1:55 | 4:00 | 6:05 | 8:10
PBP MON-THU 4:40 | 6:40 | 8:40
FRI 4:40 | 6:40 | 8:40 | 10:40
SAT 2:40 | 4:40 | 6:40 | 8:40 | 10:40
SUN 2:40 | 4:40 | 6:40 | 8:40
SPANISH MON-FRI 4:55
SAT-SUN 1:05 | 3:00 | 4:55

JOKER
JOAQUIN PHOENIX | ROBERT DE NIRO
WITH SPANISH SUBTITLES R
PH MON-THU 7:50
FRI 7:50 | 10:35
SAT 2:20 | 5:05 | 7:50 | 10:35
SUN 2:20 | 5:05 | 7:50
PBP MON-FRI 4:00 | 6:40 | 9:20
SAT-SUN 1:20 | 4:00 | 6:40 | 9:20
PBP MON-THU & SUN 8:30
FRI-SAT 8:30 | 11:10

ABOMINABLE
CHLOE BENNETT | ALBERT TSAI
WITH SPANISH SUBTITLES PG
PBP MON-FRI 4:00 | 6:15
SAT-SUN 1:45 | 4:00 | 6:15

ZOMBIELAND: DOUBLE TAP
WOODY HARRELSON | EMMA STONE
WITH SPANISH SUBTITLES R
PH MON-FRI 9:30
SAT-SUN 4:45 | 9:30

THE INFORMER
JOEL KINNAMAN | ROSAMUND PIKE
PH MON-FRI 7:05
SAT-SUN 2:20 | 7:05

GEMINI MAN
WILL SMITH | CLIVE OWEN
WITH SPANISH SUBTITLES PG-13
PBP MON-SUN 6:50 | 9:25

OPENING OCTOBER 31: TERMINATOR: DARK FATE, HARRIET, MARY

THE MAGIC OF THE MOVIES ON YOUR MOBILE DEVICE
Download on the App Store GET IT ON Google Play

Pronostico di Tempo

Tempo:
Parcialmente nubia cu localmente un awasero breve.

Temperatura maximo 31 grado Celsius
Temperatura minimo 26 grado Celsius

Bahada di solo: 6:16pm
Subida di solo: 6:31am

Biento:
For di direccion oost-noor doost te oost-zuidoost y modera te basta fuerte;

Forsa 3 te 5 (12 te 39 km/ora, 7 te 21 nudo)
Den dia posiblemente fuerte den rafaga;
Forsa 6 (40 te 50 km/ora, 22 te 27 nudo)

Situacion general di tempo:
Humedad den region local lo por induci temporalmente mas nubia den proximo 24 ora. Principalmente den oranan di marduga y mainta, esaki por produci un awasero breve



riba cierto partinan di e isla. Un proximo ola tropical lo drenta area oost di Caribe den curso di mañan diasabra.

Condicion di lama:
Olanan di lama lo ta for di direccion oost cu altura di 3 te localmente 6 pia.

Google buscando nificacion profundo di buskeda



MOUNTAIN VIEW (AP) — Google ta poniendo mas atencion riba e palabranan chikito den bo terminonan di buskeda. Kier haya sa con pa par-

keer riba un sero sin stupi? Awo Google ta tuma consideracion di e 'sin' ey, y ta muestra resultadonan cu ta inclui parkeer sin stupi.

E compania ta lansando un cambio den buskeda na Ingles na Merca cuminsando e siman aki. Google a bisa cu ta spera cu e cambio lo duna miho resultado pa un di cada 10 buskeda.

Adaptando su motor di buskeda no ta nada nobo pa Google. E compania ta haci ahustenan regular pa ta mas precies y duna resultadonan mas util. Pero esaki ta esun di mas grandi cu e compania a lansa den sikiera cinco aña, segun Pandu Nayak, vice presidente di buskeda di Google. “E ta mira na henter e contexto di palabra pa purba di compronde kico ta pasando”, el a bisa.

E cambio ta basa riba e investigacion di proceso natural di lenguahe di Google, cual ta studia con pa siña computer pa compronde e contexto di lenguahe y comunicacion. E actualisacion mas recien aki ta basa riba un tecnica di training yama ‘Bidirectional Encoder Representation from Transformers’, of ‘BERT’.

E tecnica ta encera siña e sistema pa compronde e orden y contexto den cual cada palabra ta aparece. Google ta train e sistema cu e practica di ‘fill-in-the-blank’, poniendo e mashin guess ki palabra falta den un oracion te ora e bira miho den haya e contesta

corecto tur biaha.

Google pa largo a enfoca riba ‘palabranan clave’ den bo termino di buskeda, pero e metodo aki ta yud’e tuma den consideracion cada palabra den e oracion pa compronde su nificacion miho, y tambe ta spera cu lo muestra resultadonan mas relevante prome.

Nayak a bisa cu e compania a haya mediante test e aña aki cu BERT ta duna mas resultado y miho. Pero e nota perfecto, y e cambio ta nifica cu algun resultado lo ta menos precies cu e ta awo. “Nos ta hungando un wega estadistico akinan”, Nayak a bisa.

Facebook ta lansa seccion di noticia

CALIFORNIA (AP) — Durante su 15 aña di historia, Facebook a ignora organisacionnan di noticia mientras ta come nan entrada di aviso, pero awo tin plan pa paga pa titulonnan di noticia.

Introduciendo ‘News Tab’, un seccion nobo den app mobil di Facebook cu lo presenta titulo di noticia – y nada mas – di Wall Street Journal, Washington Post, BuzzFeed News, Business Insider, NBC, USA Today y Los Angeles Times, entre otro.

Breitbart, un noticiero conservador cu ta acusa di publica storianan racista, tambe lo forma parti di News Tab, igual na storianan local di e ciudadnan mas grandi di merca. Titulonnan di ciudadnan mas chikito ta na caminda, Facebook ta bisa.

Si tap riba e titulonnan ey, lo bay directamente na app of website di e noticiero, si tin algun instala – algo cu e noticieronan ta pidiendo Facebook pa añanan.

Un stap potencialmente grandi pa un plataforma cu

pa largo a lucha cu tanto caba cu mal informacion, y tambe keda bon cu proveedor di noticia. Maske vigilantenan di noticia ta permanece skeptico cu Facebook realmente ta comprometi na sostenibilidad di industria noticiero.

Facebook a nenga di bisa ken lo wordo paga y con hopi, bisando unicamente cu lo paga ‘un cantidad di noticiero pa acceso na henter nan contenido’. Apenas aña pasa, CEO Mark Zuckerberg a bisa cu e no tabata sigur si ta ‘make sense’ pa paga noticiero pa nan material.

Pero awo, ‘tin oportunidad pa set up un relacion stabiel a

largo plaso cu noticieronan’. AP no ta participando den e iniciativa.



Advertorial

Bo tabata sa cu tin alrededor di 250 persona pa aña cu ta haya un atake cerebral?

ORANJESTAD – Si! Tur aña alrededor di 250 persona, jong y bieu, ta haya un atake cerebral. Den Ingles conoci como ‘stroke’. Un atake cerebral ta un sangramento den e cerebro of un infarto den e cerebro.

Ora tin un sangramento di e cerebro esaki ta nifica cu un ader di sanger a rementa. Ta papia di un infarto di e cerebro ora cu un ader di sanger a wordo blokia. Den ambos caso, e suministro di oxigeno pa e cerebro ta den peligro.

Dentro di algun minuut cu e cerebro no ricibi nutriente esencial, e celulan di e cerebro ta cuminsa muri. Un proceso cu lo por continua

pa e siguiente oranan. Tin persona cu no ta sinti nada. Pero tin un grupo di persona cu si lo mester sigui biba cu e consecuencianan di e atake cerebral. Nan por bira por ehempel parcialmente invalido. Tambe e persona por haya cambianan di caracter of otro limitacion pa motibo di e atake cerebral.

Pa haya sa si un persona ta hayando un posibel atake cerebral, por haci uzo di e sistema di ‘FAST’. Esaki ta un denominacion den Ingles cu ta yudabo corda e señalnan di un atake cerebral: -‘Face’. Cara. Check si e cara di e persona ta colga of trek pa un banda mientras e ta purba papia of hari cu bo. -‘Arms’. Brasa. Check si un brasa ta colga mas abou ora e

persona ta purba hisa ambos brasa. -‘Speech’. Papia. Check si e persona por ripiti un frase simpel. E ta papia straño of incoherente? -‘Time’. Tempo. Durante un atake cerebral cada minuut ta conta. Si bo observa cualkier

di e señalnan aki, bo mester actua mesora. Yama 911 di biaha.

Tin otro señalnan tambe cu ta indica un atake cerebral. Por ehempel biramento di cabes of e persona ta bira ciego diripiente den un ban-

da di wowo. AZV ta cubri tratamiento pa atake cerebral. Tambe tin Fundacion CVA cu ta keda na Esso Heights C-16 y por yuda bo si tin cualkier pregunta. Yama na 567-7004 of comunica cu nan na cvaaruba@gmail.com.



Festival di Buki cu meta pa stimula muchanan pa lesa

ORANJESTAD – ‘Ban lesa, biaha y gosa’, esey ta e tema di e 27 Festival di Buki pa Mucha cu Biblioteca Nacional di Aruba ta organisando y cu lo tuma luga diabierna dia 1 di november na Cas di Cultura.

Durante un conferencia di prensa cu Astrid Britten, director di Biblioteca Nacional Aruba, hunto cu Nathalie Croes y Yosmar Sneek a duna pa medionan local, nan a duna di conoce cu e evento lo tin un duracion di shete dia cu un participacion di 64 scol basico, preparatorio y special.

Britten a comenta cu e aña aki, e autor local ta trahado di BNA, Richard Dabian kende a traha e historia di e ‘Faro Multicolor’, e traductor ta Lilian Semeleer, ilustracion ta na encargo di Gewout Esselink kende ta un ilustrado Hulandes y tambe ta participante di e festival.

Di mesun manera, Britten a señala cu e Festival di Buki ta acompaña di e cantica ‘Ban Keiro’ composita door di Zulaika Geerman.

Nathalie Croes, encarga cu apertura y clausura di festival y miembro di e comision, a trece dilanti cu e festival lo cuminsa diabierna dia 1 di november cu e programa di 6or pa 8or na Cas di Cultura. E actividadnan ta combina cu un mercado di buki cu e participacion di algun sponsornan, unda hende lo tin e oportunidad di cumpra un buki di 25fl of mas y nan por haya un otro gratis.

Tambe nan lo tin presentacion di grupo musical y un exposicion cu departamento di catalog di BNA a haci. Tocante e clausura, esey lo tuma luga diabierna dia 8 di november, desde 6or te 8or na Prinses Amalia Basisschool.

Yosmar Sneek, coordinador di festival, a anuncia cu e aña aki nan tin e cantidad di 14 participante, entre nan autor, contado di cuenta y ilustrado cu ta bin for di Boneiro, Corsou, Colombia, Hulanda y tambe Aruba. E participantenan ta bay bishita e 64 scol cu ta participa, entre nan scol basico, scol preparatorio y scol special.

Sneek a expresa: “Nos ta hopi contento, pasobra e promocion di lesamento ta nos idea y esaki ta lo cual nos ta bay p’e y esaki ta lo cual autornan tambe kier: duna gusto y stimula e muchanan pa lesa y den futuro nan lo por skirbi tambe”.

Di parti di autornan di Hulanda, lo bay ta presente Mariella van de Beek, Juliette de Wit, Jeroen Hoogerwerf y Gewout Esselink; for di Corsou lo bin Tio Ali y Cathleen Giterson; di Boneiro Denise de Jongh-Rekwest y tambe Xiomara Frans-Muller pa prome biaha; for di Colombia nan lo tin Pedro A. Vargas Alvarez; y na representacion di Aruba Sergio Tjie-A-Loi, Shaila Vrolijk-Balgobing, Olga Buckley, Emerita Emerencia y Richard Dabian. Tambe el a sigura cu tur scol lo haya un cantidad di buki door di BNA como regalo.

Ademas, el a menciona cu e aña aki e tema di e festival ta transporte. Door di esaki e muchanan por haya ideanan creativo e parti mas importante ta pa laga nan produci.

Tocante e diferencia compara cu añanan anterior, Astrid Britten a comenta cu e aña aki e apertura lo bay ta mas interactivo of digital, e imagennan lo wordo produci pa via di un computer pa drenta tambe den era di innovacion.

Na e momentonan aki, lesamento tambe ta sosode di manera digital, pa motibo cu e personanan ta haya e oportunidad via un tablet of computer. Diferente persona ta prefera lesamento sea tradicional of digital, pero lesamento ta locual ta keda importante.

Britten a informa cu BNA ta trahado duro riba proyecto cu gobierno ta purba di haci cu e-Government y BNA no ta keda atras. Pronto e catalog di nan ta bay ta online, cu hende por descarga for di nan cas.



Minister Lampe a reuni cu partner importante di Hulanda riba enseñansa



ORANJESTAD – Riba diahuebs dia 23 di october ultimo, Minister di Enseñansa, Ciencia y Desaroyo Sostenible, dr. R. Lampe a haya bishita di A-Vet institute cu nan partner di Hulanda 'Techniek College Rotterdam'. Pa Techniek College su representantenan Igor Runsink y Chris van Rossen tabata e prome encuentro cu Lampe.

E reunion den e presencia di TCR, Directora di De-

partamento di Enseñansa A. Provoyer, Inspecteur di Enseñansa S. Croes y Gina Maduro y Sabine de Groot di A-VET Institute hunto cu Lampe tabata un hopi positivo.

Entre otro, Innovacion den Enseñansa y posibilidadnan pa cuminsa programanan nobo a wordo papia.

Tur e representantenan a keda contento cu e introduccion y a wordo palabra cu mas consulta tocante varios topico lo wordo organisa den futuro.

Minister Ruiz-Maduro a atende 'Bankiersdiner' na Washington

ORANJESTAD – Minister Ruiz-Maduro a atende e 'Bankiersdiner' cu e Embahador Hulandes na Washington a ofrece pa e delegacion di Reino Hulandes cu tabata presente pa e reunion anual di IMF y Banco Mundial. Tabata un rato ameno den compania di e Embahador Haspels, Ministernan Kaag y Hoekstra di Hulanda, Minister Gijsbertha di Corsou, Ministernan Plenipotenciario Croes di Aruba y Prens di Corsou y demas invitado di e mundo bancario di Hulanda.

Den un esfera mas informal, Ruiz-Maduro a reuni cu Hassanali, kende a yuda funda Aruba su Banco Central y a yuda lanta Aruba Investment Bank. Mehran a traha pa hopi aña como consehero na IMF y a traha tambe riba un rapport pa Aruba su finanzas publico. Minister Ruiz-Maduro ta gradici nos Minister Plenipotenciario na Washington, Jocelin Barroso-Croes pa su asistencia y coordinacion di e trabounan durante e Reunionnan Anual di Fondo Monetario Internacional y Banco Mundial.

